

晚晴籀詩匯



晚晴蓀詩匯卷三十九目錄

吳之振 十八首

呂留良 二十一首

陳訐 七首

黃雲 五首

高佑鈺 二首

沙張白 九首

王隼 七首

梁無技 二首

陶窳 四首

梅磊 十首

梁份 三首

陸次雲 六首

鈕琇 三首

戴廷栻 九首

吳歷 十首

王槃 一首

顧有孝 一首

鍾淵映 一首

陸嘉淑 二首

查容 一首

朱爾邁 五首

馬思贊 四首

沈進 三首

沈岸登 二首

沈用濟 二首

孫默 二首

孔尚任 七首

宋祖昱 十首

晚晴移詩匯卷三十九

徐世昌

吳之振字孟舉號橙齋又號黃葉村農浙江石門人官

中書科中書有黃葉村莊集

詩話橙齋纂宋詩鈔凡百家自言盡宋人之長使各盡其致門戶甚博不以一說蔽古人意在力矯嘉隆後尊唐黜宋之偏隱以挽回風氣自任故其詩亦近宋出入於宛陵東坡山谷諸家晚年詩律尤細

過東莊看梅

池邇東莊路春風黑板橋前溪通竹樹比戶足漁樵谷口

風猶在南陽興未遙青鞵從此辦不獨為花朝

嘯傲梅花裏今朝定有詩輕香春暝候冷豔月黃時坐久

渾無意風來每自疑游蜂莫相惱付與出牆枝

北戶新除徑相隨負竹登周遭鶯語滑蕩漾水痕增過雨

移茶種添流間麥塍無心階下草散髮任鬚鬢

同用晦東莊看梅

隔歲心情似死灰梅花堆裏蹙眉開吹將王冕橫枝下鍊
得林逋斷句回已分色香難品第不煩桃李作重臺落英
和雪團成片研入春醪飲一杯

曉泊青縣

墓樹叢鴉鬧曉更周遭小市簇孤城倒流水激魚兒上過
渡人稀艇子橫歸去詩情殊跌宕春來酒量亦崢嶸箇中
便得江山助可是工夫次第成

同朱老步郭外人家留飯西疇草堂

西疇詩老話幽居一笑扶筇興未疏村市經過殘劫後草
堂重醉落鐙初定知魚樂能千里已辨農忙共一鋤底用

榜門堅謝客霜寒誰肯問籬條
樹排青嶂繞溪迎稻撼黃雲照眼明路雜難尋官道合橋
敲不礙小船行社神香火尊於帝村學規條亦有程笑我
塵顏誰舉似隔離花豹兩三聲

哭王西樵吏部

話別梁園笑語溫海沙清淺已無痕十三世向鄒陽算五
百年從魯叟論阿母追隨差不惡平生檢點更何言荒唐
莫詫騎鯨事紫府仙曹在杏園
拋官東海隱修鱗越尾譌傳信未真赤牘幾翻驚入手寢
門一慟竟無因香奩詞賦塵蛛網壁壘郊原泣暗燐遙想
夜臺沾酒伴也應宋玉在東鄰

同舜江黃晦木甯都會止山飲西園次晦木留別韻

長晝攤書轉木陰
竭來好友共登臨
不將名字依劉表
合有溪山著慶禽
賣屨織簾高士傳
綠樽明月故人心
何年踏浪追潮汐
一夢江頭柳十尋

兩效東野體

雨聲無新舊空階
歷古今亦作琴筑響
亦作鉦鼓音如何
羈旅士披衣起長吟
一點不到地點點
刺人心遂令千古
雨此夜愁獨深

西疇詩老貽白魚一雙七疊手字韻謝之

黃犢長子孫放浪
谿山久江南千石魚
利較力田厚蓑笠
乞網師笊箸結溪友
相逢菰蘆間不復問
誰某女陽西郭
西古城上培塿一卷
冰雪詩得自錢鏐手
未許掩瑕瑜底
用飾疵垢貽我雙白魚
柔條貫檉柳君弗厭
貪饜伴榼須

斗酒

送少逸

幾載不相見相看倍黯然
人情憐舊雨天氣入新年
白髮殘鐙裏清樽古驛前
計程翻日記重爲老夫傳

介山游洞庭歸過橙齋疊還字韻見贈卽席奉答

十載郵筒記往還今朝杖履得躋攀
人來萬壑千巖裏詩在三唐兩宋間
數徧藏書推拂水偶思快友話橫山
瀾翻幾換輸贏局袖手應誇我輩閒

次韻送心壁歸廬山

女陽亭子北把袂送將歸
計及投蓮社行當換葛衣
經函魚繭滑詩板墨花飛
贈語藏吾拙呼兒誦采薇

略約依蘭若鐘聲話舊游
臨流思濯足望遠一登樓
杭稻

三年計芙蓉萬頃秋天涯雙屐齒莫忘草堂幽

次韻答墨林上人

不解參禪不學仙把鋤種菜自年年休將葛嶺三生石錯
認齊州九點煙菰蔣縈迴行藥去篔簹刻畫有詩傳西林
安穩齏鹽飯吼徹鯨魚丙夜懸

書研背

萬山木落風凜冽欲墮未墮寒蟾滅東方太白光睽睽殘
星半點銜岳缺破屋老儒手皸裂麻沙淨本鈔不輟詩書
發豕糞食報軒車駟馬高門闌白頭如雪何所求仰天大
笑冠纓絕

呂留良初名光輪字莊生後字晚邨浙江石門人諸生
有東莊詩存

沈季友曰晚邨意氣勃發論辨鋒湧社中推爲渠帥
久不遇棄去子衿構南陽村莊以自老凡百工雜藝
心會手製無不精妙爲詩似學誠齋頗有傑句當酉
戌之交文風靡敝乃取歷科房牘大加選剔爲之抉
書義樹文品使天下學者取則焉二十年間爲
制藝者猶知去陋就高斥邪崇正晚邨之力也
詩話制舉文以天崇爲最盛士子束髮受四子書
求經注卽易入程朱畦徑晚邨工制舉文晚以講學
致盛名時初蓮鼎革放言高論多涉偏宕流傳遠近
坐構奇禍著述皆遭禁燬至宣統季年始稍稍復出
詩純用宋法風調雅近黃葉村莊而益以蒼堅頗多
警策惟以自處殷頑不循漢法往往以質直出之學
子相承變而加厲初不
圖爲禍若是其烈也

東莊雜詠

山水各宗支結構分百脈向背意態殊風土因之隔於人
何親疏適意成主客昔我避亂初小築公山側百家飲一
泉鄰果任飽喫人面或萬狀性情無兩格古姓聚爲村樵
採名叔伯午後始開門槐花深一尺

跋者命在杖渡者命在舟人生依萬物得失不自由有愁
何以消客或進一筓謂客酒可忘吾愁非眞愁痛飲雖至
醉不入伶籍儔此酒有時醒此愁無時休

微寒盡餘威園林納新意品類紛有名皆從上古至我生
與萬族衣食各生智鳳皇啄琅玕鴟鼠甘糞利當其經營
中了不異人意苟爲易地謀兩兩相唾棄鬱鬱成都桑勞
勞有深義自非天下才此事良不易常恐時數來便令負
斯志妻織兒勝鋤悠然足高睡

見釣者

老漁倚槳黃蘆根細香和餌絲作綸無邊春水杳何處日
暮煙生知有人持竿終日無所得白鷺銜魚隔江食風掃
楊枝入釣船滿溪愁煞桃花色我來行吟一問之太息老

漁不解詩我向君身覓佳句君坐詩中自不知

過仲兄邨居

棄置舊池閣來從茅舍居命奴收落葉課子理殘書官豈
朝廷罷身猶死喪餘杖藜還歎世那敢賦歸與
兩子先成長能文麤足觀預思渠輩事遙當太平看亂後
乾坤窄愁牽日月寬不知邨路裏何以慰荒寒
小徑泥封竹虛堂石挂蘿病愁賓客滿貧覺子孫多邱壑
聊如此兵戈奈爾何平生幾種意今日慎風波

次韻寄懷黃晦木

驛馬別一朝閣上話三夜最恨箬篷船柔艣當舫架相思
比日車晝夜轉無罅豈謂經半載過秋不待夏餽餅廢堆
盤醇醪罷洗罍年年爲友朋三江歷九壩每云經此塗如

聯珠集言四卷三十一
王
罪流不赦母老令弟喪今甯卽離舍道路有高五駮蛩昔
倚藉渠今復南上君豈能北下念此令人痛淚迸檐溜瀉
又聞抱微疴應坐愁不化人生老頭甜或同倒噉蔗莫添
紅鑪炭肝肺怕薰炙飢凍過毒矢日日當心射家翁做不
堪癡聾術可謝

研墨作君書脚躡過半夜脚躡欲何爲窺盜復視架想君
卧破屋鐙火穿壁罅豈無木綿衣未冬先典夏但用江西
窰莫求哥定罽但搭日行船不怕長安壩薑桂性不移物
理漸輕赦會約石榴紅襪被到寒舍忽忽籬豆黃梧桐葉
相藉吾亦苦疔鬼中虛變暴下至今兩頰窠時時復洞瀉
內傷脾胃病飲食頗難化五心一煩熱便憶冰與蔗引領
黃昏湯來起此番炙泥水絕高名讀書兼獵射從來霜雪

姿不向北風謝

次韻答鍾靜遠

身似春江亂石磯
風波砥盡勢相違
縱橫妙手千年誤
檢點從頭萬事非
記得名園鐙照失
重來古路草痕微
可憐杜宇殷勤意
曾喚游魂幾箇歸

登真如塔

難尋平地盪胸雲
試上岩巖借夕曛
洞磴盤旋人不見
闌干笑語遠偏聞
春從浦草青邊長
水到湖樓綠處分
乍暝僧房梅氣發
四方八面水沈薰

舟次看武康山谿

霸先國破孟郊死
寂莫篷船到武康
峯黛未消千載綠
柳絲猶帶六朝黃
英雄不出溪山靜
風雅無歸草樹荒
叫起

古今詩話卷三十一
古人杯酒在夕陽嶺畔話興亡

再游蠡山語徐方虎

山靈拍手笑重來，斷壁陰湫特地開。
波底神龍終自合，塵間凡馬盡教迴。
村名附會憑僧撰，碑記荒唐費客猜。
消得英雄歸道院，陶朱遙對計然臺。

游慈相寺

乾沙細雨不成泥，春水初生試小溪。
得得山圍松徑合，離離人坐石橋低。
陰碑出火牛磨角，壤壁生香麝脫臍。
最是客游難久往，杜鵑花落杜鵑啼。

同考夫商隱寅升登雲岫

翠列青攢盡處尊，怒濤噴薄插孤根。
年年合璧無消息，夜夜寒潮入夢魂。
鷹上秋風爭雁路，龍隨冷雨伏蛟門。
山僧

不識人間恨猶記圓沙漲舊痕

至珮璫隱居次韻

書藏農車菊滿庭夜分客語壁鐙青
疏櫺直射非時電破瓦深窺失次星
垂老童心成結習良朋苦口勝聞經
低頭長得隨東野莫惜晨鐘答寸莖

集飲黃俞邵竹齋次徐州來韻

不遇雲將過洪濛且自東牽連高士傳
收拾故都風素壁爭殘照新篁戀舊叢
話深爭逸興消得老顏紅
吾巢寒癩似君架蠹魚然此外無多地
其中別有天兩瓴千卷破四座一人眠
明月將軍報門前促和篇

胡山眉瘞天木於家山同午祁過訪感贈

昔友稱君不厭頻喜君果不負斯人墓
田馬鬣窮交豕寒

食雞豚耐祭賓一事必傳成獨行三生重話轉傷神秋風
野笛苔溪路石語荒林萬古情

題張午祁楊園竹屋

初月橫斜玉一弓軒轅屈曲絡牆東捲簾林影三更變依
枕溪聲四面同風過笛淒椽眼裂雷當琴吼柱心空儘將
渭北湘南意收拾圓沙結構中

九月二日同馬允彭籛侯董采載臣陳鏞大始嚴鴻

達賡臣查樞左旋大兒葆中從子至忠放舟東游
老病感觸多細碎氣上逆知非養生理微動悔已積諸子
憫我衰扶攜事游歷澤國久雨後浦溆水充斥村艇宛轉
通野狎高低格日出雲物高露光百草滴木葉聲蕭然未
露憔悴跡誰抱不彫姿霜雪行相益舉酒共斟酌長幼以

次及揖讓見古歡脫略非真率對此意欣然不覺夙疾釋
詢知守舍翁不如遠游客

陳訐字言揚號宋齋海甯人貢生官淳安教諭有時用

集

吳退庵曰宋齋為黃梨洲門人又與查初白同里友善故文格詩格俱有所受

詩話宋齋句股述句股引蒙二書著錄四庫非必洞

達深微要足指導來學其宋十五家詩宛廬廬陵南

豐半山東坡子由山谷石湖放翁誠齋菁英略具後

來言宋詩者莫能外也餘及王梅溪朱晦翁高菊

方秋崖文信國凡十六卷銓擇具有意旨與吳

孟舉宋詩鈔曹六圃宋百家詩存足相方駕

霜風撼庭柯敗葉琤然下秋聲樹間歇策策鳴漸啞蕭條
辭故枝捷疾飄屋瓦月明烏棲驚柳禿鴉藏寡冉冉歲序

遷榮落如斯者

晚晴集言匯卷三十一
美蔭宜炎夏冬來愛負曦朔風知我意日夜相芟夷去翳
延暎温排陰引晨熹凝寒布煦燠蕭索生融滋寄語當塗
子慎勿戕生機

春花妝園林衆葉顏色好俄然綠成幄丹黃忽云老飄蕭
階除間呼童且弗掃歎此蕤蕤姿搖落竟誰道豈知造物
意繁華出枯槁推陳使其新本根以爲寶
灼灼春樹花離離秋根葉蕭蕭林間風謾謾枝頭莢紛紛
委坑塹纍纍墮垣堞紅如園墜英白擬叢穿蝶豈不故枝
戀霜重尖風獵花時還扶持相賞期闊躡

江潭莫悽愴搖落莫悲咽苑枯循環耳甯較荻與茁而我
況無戀森梢喜挺列庭前兩好樹幾見更枿蘖榮悴均造
化萌芽發霜雪人心感槩多妄自生區別樹若知人意粲

然笑應咥

曇花亭雨中看瀑布

雨阻曇花且看山
跳珠濺沫媚煙鬟
耳根異響心逾靜
眼界奇忙意轉閒
徧嶺雲蒸蒼狗幻
層霄澗躍白虹彎
莫愁暫滯羈行屐
留客天緣或未慳

雙澗飛來兩玉龍
石梁俯首落千峯
雨中鱗甲空濛態
世外煙波淡蕩容
萬斛霧珠隨噴唾
四圍水石日撞春
若非韁鎖真堪老
破衲何時此策筇

黃雲字仙裳泰州人有悠然堂集

江村春日

門前芳草路春到
有誰過曙鳥喧寒
樾條風動綠波性
迂求世少親健得天
多莫訝將強仕猶
然隱澗阿

晚晴雜言匯卷三十一

經落帆亭是癸巳春與陳澹仙先生別處

故交十載散浮萍
樵李風煙此再經
今日獨齋磨鏡具
當時相送落帆亭
東門蟻酒春猶綠
南浦絲楊晚更青
只有寢園生宿草
鷓鴣嘯處不堪聽

婁東修復前觀察馮留仙先生祠宇

憶昔驚心丙子年
誰將隻手獨扶天
舉朝半醉烏程酒
名士拌沈白馬淵
黨禍清時公又死
奸謀用後鼎俱遷甯
知宗社邱墟日
廟食東南肅几筵

前溪

諸灘匯前溪
奔騰下巖壑
二月落山花
隨流到南郭

陸無文示姑熟山水圖畫為蕭尺木筆

翰墨風流自足傳
幾人窺竈少晨煙
何當也學蕭公子
漫

寫青山換酒錢

高祐鈇字念祖秀水人貢生考授州判有懷寓堂集

同沈留侯陳淡持湯千里飲報國寺松下

慈仁怪松枝如鐵年深鱗甲欲飛裂拏雲抉石龍虎形見者驚喜歎奇絕我曾三度至燕都酷愛此松天下無安得寫以韋偃筆使吾坐卧對此圖每返鴛湖遠相憶夢魂長在蒼松側今來結伴續前游未午拍浮到日昃嘗聞豫章喬木棟梁材工師遠取江之隈何如此松礪砢抱奇質五百年來尙在哉

落帆亭別諸弟

六月經長路孤舟問去津自憐垂釣者忽作遠游人門戶憑諸弟關山憶老親平生慷慨意到此一沾巾

沙張白原名一卿字介臣號定峯江陰人諸生有定峯

詩選

詩話定峯長於史學著讀史論略詩亦多詠古之作
當時詩家皆推其樂府吳梅村為介謁龔芝麓芝麓
贈二律云婁東吳祭酒雲外尺書來說汝揚雄賦攜
登郭隗臺藏山名士業入洛古人才每見文章進風
檐喜一開高閣斜陽裏題詩為送秋跡奇名姓換客
久雪霜稠車上誰張祿人間問馬周因風報舊雨老
懶漸知休後倦
游歸著書終老

桑宏羊

宏羊好聚斂讞謗迄終古平準雖錙銖所困在商賈論功
次士安計罪薄介甫安得生斯人暫息閭閻苦

秦檜

武穆真聖賢秦檜亦豪傑渡江二百年趙氏縣血食逢惡
術最工忌功計已拙當時九重心懷古師蒯轍

逸民詩

天地一郵傳百歲亦過客躑躅古與今勞勞事行役生憂
在富貴死憂在竹帛於中有逸民遺世而獨立抱名逃空
山不願入載籍斯人苟不存天地削顏色

元氣礪千古消否任小智我觀南畝農人人盡高士力耕
辦賦稅養親竭甘旨知爲職分宜不識忠孝字三教皆可
收五倫獨肫摯與穀同沒升無從考姓氏高躅愧難躋日
夕勤企跂

鮑山管鮑分金處

彭生豕立雄狐摧瓜熟不遣連稱回夷吾此日正窮餓誰
信若人天下才盛年難得八口飽白首更建三歸臺知我
之恩等生我鮑山屹屹高千古贈金獨向三北時此道今

人棄如土漫云鮑叔不憐才眼中之人誰仲父

蓋公堂

蓋公秦末老黔首飽諳湯火出塗炭無擾一言教相君小
福三齊大福漢從來繼亂道不同紛紛變制徒倥偬與時
休息貴清淨愚者詫為黃老功安得麒麟圖畫日盡遣曹
參師蓋公

淮陰市

報辱猶官尉酬恩忍見疑區區酬報意或冀漢皇知

韓信城

項氏猶全族韓侯竟滅門可憐帶礪誓不及屬鏤恩

虞城

杞城纔過又虞城賓恪猶存舊日名一樣六朝稱禪受幾

曾白馬到西京

王隼字蒲衣番禺人有大標堂詩集

詩話蒲衣為說作明經邦畿子隱居不出嘗入丹霞
為僧游匡廬居太乙峯久之返儒服卒私諡清逸先
生說作詩清峭剛雋蒲衣以麗則典瞻勝陳元孝亟
稱之謂骨清神寒與說作指歸不異梁藥亭為作序
言其詩神明造姿孤雋表骨學問醞釀
變化以出之其為同時名輩推重如此

西山雜詠

孤雲如美人窈窕遠山角殘月出其中鏡影漸如削彈琴
娛清夜寒光不可掠露華溼橫塘芙蓉何姊嫻憶君南浦
時翠帶紛若若佩我同心環縮我合歡索佳期難久留兩
地相思各圓缺自有時離憂豈能卻
山行入芳林破寺孤猿坐陰風殿角吹門傾拾古鎖金像
剝鬚眉畫檐蛛網大壤竈穴飛鼯廢井落殘果房暗青燐

生牆缺翠蘿補斷碑卧草間字畫蒼苔裏獵人帶禽歸入
撥冷爐火沈吟感盛衰冉冉日西墮

仲冬陪尹瀾柱銓部陳元孝林叔吾入羚羊峽懷梁

藥亭先生

晴雲散暮霞落日萬山赤寒風峽中來吹我江上楫峯勢
截長江倒影竦雙壁溪聲瘦老松微波盪怪石俯疑坤軸
崩仰覺河漢窄危磴人似猿絕岸舟如葉疊巘結寒姿巖
斷孤煙接密林匡寺古蘿徑垂石髮枉渚鼉鼉驕澹澹蛟
龍沫顯昧理或然神物含溟漠把酒對山公探幽懷謝客
睽隔未移旬寸心若積雪矧乃覽山川狂歌誰與發欲寄
山阿人霜花豈堪折

詠懷

鏡裏驚新鬢蹉跎愧此身無才甯畏賤失計豈辭貧白鶴
存知己青山寄古人有情溪月影竹屋夜相親
不獨嗟離亂飄零未有涯客愁連雁影鄉夢落燈花曉月
甯留夜孤雲何處家茫茫隔煙水秋色上蒹葭

封山

平生病骨將何託一見青山便惘然醒耳鶴聲巖月外浸
心松影嶽雲邊聽鐘乳鹿窺僧定摘果獼猴語燒煙尙有
匡廬茅屋在阿誰同去漱寒泉

送人游洞庭

攜琴欲共楚人游因憶前年過岳州野渡載僧衝雪下落
楓隨雁破星流天連浪影圍漁火月逐潮聲上酒樓休更
臨風歌帝子一聽瑤瑟滿湖秋

晚晴雜詩匯卷三十九
梁無技字王顧南海人貢生有南樵集

秋日病起齋中偶作

病因飲酒得病愈酒難忘故人知我癖貽我書八行勸我
申酒戒毋爲狂藥傷當此秋清夜明月白露光白露沾我
衣明月照我牀焚香不能寐懷人天一方蟲聲正聒耳修
夜殊未央此際若不飲餘生何用長

鬪鶻鶻歌

秋風一夜山桑落雨雀晴鳩飛綽綽鶻鶻飛不越藩籬弋
人山半張羅幕得鶻貴雄不貴雌鐵喙金眸知善攫攜籠
下山索價高少年爭市出東郭少年買鶻不惜錢要與王
孫賽金橐手把金籠夜不眠啖以粒粟頻跳躍鶻鶻養就
處囊中放之卽出爭剝啄氍毹鋪向華堂間無端貴賤紛

相搏鶴鶉鬪死人心平不惜千金酬一諾鶴鶉負少年呼
鶴鶉勝少年樂鶴鶉興闌少年寂寞少年不治家人產平
生生計鶴鶉託吁嗟風俗爭效尤孔孟詩書如敗籜子衿
佻達滿城隅鷺羽飄零散西澤君不見鬪雞走狗五陵兒
姓名豈上凌煙閣

陶窳字苦子順德人

古鏡

先秦遺篆在想像出深宮明月不生處清光時與同有形
隨自應無相本來空白盡人間髮全歸一照中

冬草

三徑經冬掩飄零對汝時未充君子珮徒結美人思世態
看蓬轉孤心感鬢絲平生抱微尚不與眾芳期

望零丁洋寄懷友人

兩年九月此經過極目蒼茫感逝波窮島漢槎無限路秋
風禾黍自成歌忠臣淚帶寒潮長楚客悲逢落葉多欲寄
相思憑去雁故人歸夢杳星河

秋望

數聲離雁下寒汀世事相看散野萍入水苦匏思共濟望
秋蒲柳感先零憂心滿似將圓月旅鬢疎同避曉星獨潔
糈糗候槎影美人空自隔滄溟

梅磊字杓司號響山宣城人有響山初稟七日稟珍髭

集蕪江草放情編

詩話杓司年二十卽負詩名晚抑鬱不遇浪游山水
嘗於吳門集一時知名士徵歌縱飲賦長句自謂王
百穀張幼于之後數
十年無此盛會云

春日尋李研齋杜蒼略

酒病不可支佳會復難爽躊躇減米錢爲買肩輿往道旁
雙古松颯颯送清響到門尋杜生與之偕幽賞李侯志節
人山水情浩蕩閒庭呼酒尊芹筍雜魚鯿圍棋互勝負古
今共抵掌努力重斟酌無復塵世想歸途片月生梨花白
蒼莽

韓聖秋舍人見過響山草堂卽事

曠覽世故多畢志力南畝矧耽山水幽卜築遂云久朝耕
暮垂綸草木甘同朽詎謂名姓存空谷來吾友懷舊古道
稀茲意君何厚感德情倍殷拮据啟戶牖山雞去屋曉竹
鼃隔離走入室簡盤餐薦客一何有僮僕採樵歸鄰家貰
新酒昔賢氣誼真定交在杵臼炊飲忘主賓至今美龐叟

君懷原古人此義良有取

是時八月交炎蒸酷於暑徙席向深林涼風浩如許新瓜
間梨棗次第給圍圍開襟重斟酌縱談無今古釀蜜蜂從
王戲水鳧傍母感念物類生一一得其所翻愧人世間喪
亂多辛苦

秋日談長益方爾止見訪同家弟崑白賦答

杭稻朝初穫荷花晚更香螢飛將草亂牛飯就松涼斯世
多充隱吾徒或醒狂秋林攜小謝吟詠可相當

黃池晤陳伯璣卽別

薄暮聞君至沿途問客船殘虹明驛樹歸鳥破江煙立語
殊無序孤征極可憐柳橋分手處新月正娟娟

寄劉伯宗兼問次尾諸孤

九子山頭草木悲五年江上雁鴻遲
吹簫食擬從人乞吞炭聲還畏友知
吾道荆榛空歲序中原戰鬪幾鬚眉
只今才彥看將盡愛爾冰霜獨自持

黃雲晻曖鳳凰臺六代煙花一草萊
覆甕少虛皇甫譽

伯宗

嘗爲余序青溪偶業

銜杯老憶謫仙才春風蠟屐游應數
夜月然藜

閣好開回首樓山

次尾堂名

堂上客遺書孤子重堪哀

奉答李叔則明府招同張穉恭湯君謨晚集

汪邊荒草欲黃昏好客煩開永夜樽
楊柳月明棲海燕桃花水漲上河豚
亂離詞賦才將盡故舊窮愁伴幾存
此夕高堂絲管發狂歌難禁醉中喧

秋日龔芝麓總憲招集孝侯臺

尋秋日愛城南路弔古周侯況有臺
廿載亂離爲客過半

生懷抱見山開松寒翠色侵衣履菊老風香到酒杯向晚
憑高更搔首一聲霜雁月中來

春日雜詠

雲度千峯日漸低柴門深閉響山西東風不識人愁思水
長花開鳥亂嘯

梁份字質人南豐人有懷葛堂集

詩話質人從魏叔子彭躬庵講學游迹半天下方望溪王崑繩皆重其文詩不多作

送人

相逢言未了意氣倍相親君欲成何事余慚負此身
質春仍避漢蹈海不知秦恥作桃源客春風坐誤人

送楊而上還劍上

最愁浮漢沔晚泊向寒汀山夾天垂幕舟輕水建瓴家從

雲外望猿到夜分聽卻愛鄉園樹蒼茫到眼青

送梅定九北上

會期南國共苔岑班馬蕭蕭淚滿襟北去沙塵千里暗西
來風雨九秋深匡時爭重天人學作客難忘水石心寄語
白雲休悵望燕臺非羨築黃金

陸次雲字雲士錢塘人官江陰知縣有澄江集

詩話雲士初宰邗縣有善政以憂歸復起宰江陰風
雅好士選國初詩名日詩平博收不逮鄧孝威約取
勝於魏

泛洞庭湖

大浸數五湖莫大於洞庭時當春夏交雪融水氣蒸仰視
但有天與波同一青茫茫六合中不見大塊形三老弄洪
濤澎湃意所輕至此乃敬慎風正始揚舫同舟色俱靜半

帆容與行此中有枻木千載成英靈出沒每不時異響令人驚舟婦散紙錢徐徐乃就平死生呼吸間宴坐猶兢兢吁嗟縹緲中難測鬼神情或問傳書事心知不敢應

登岱

得過三觀下因上岱宗巔海吸長河遠天包大地圓五更先見日九點半升煙孰謂方隅廣迴環睥睨前

白溝河

道出白溝河沈吟喚奈何古今陵谷變高下戰場多厲鬼依殘骨耕人拾斷戈烽煙嗟又甚搔首一悲歌

詠史

儒冠儒服委邱墟文采風流化土苴尙有陸牛坑不盡留他馬上說詩書

題荆山石壁

寄語山靈聽嘯歌連城再別歎如何人間碧眼應難遇莫
產瓊瑤誤卞和

贈芷江隱者

十二峯回十八灘漁舟欲上問津難山亭春盡無人過開
徧桃花只自看

鈕琇原名泌字書城號玉樵吳江人貢生官高明知縣
有臨野堂集

詩話玉樵初官河南南宰項城沈邱以憂去繼官陝西
宰白水蒲城坐逸囚左遷終於高明所至有惠政沈
邱出株連久繫無辜高明蠲累民雜稅築長隄護田
解散嘯聚羣盜尤為時所稱詩堅緻沈秀雅近西崑
題方石居贈忍公用吳愧庵韻

方庭修竹綠如圍琴榻書牀識靜機紫朮夜春供客飯白

晚晴雜詩匯卷三十一
雲秋製入山衣落花徑曲呼童掃斜日林空放鶴歸最喜
遠公寬酒戒虎溪乘月叩禪扉

感事

赭服南冠兩鬢華卻攜妻子繫天涯春風客淚河橋柳夜
月鄉心驛路笳慟哭范滂猶有母飄零張儉已無家只今
知己多豪俠空憶當時廣柳車

秋日病寓江城豐翠園

綠陰孤閣晚來登極目風煙望幾層萬堞暮雲寒戍鼓一
江秋雨暗漁燈思歸菊已荒彭澤病渴人還卧茂陵欲向
君平問出處浮沈身世總難憑

戴廷棻字楓仲一字維吉號補巖一號符公祁縣人貢
生官曲沃教諭有半可集

詩話楓仲爲明戶部員外郎運昌子幼慧讀書十行
並下每屬文援筆立就應童子試受知於袁學使繼
咸謂當以氣節文章名世甲申後無意仕進獨以表
微闡幽爲己任居丹楓閣著述滿家鈔版數十種海
內名流南方多聚於水繪園北方則丹楓閣稱極盛
焉王漁洋題其廬曰山右龍門晚以歲貢司訓聞喜
三月應徵賦讀書甚愛陶宏景人事殊悲庾子山蓋
自傷也署曲沃教諭四方問字之車盈戶外年七十
四卒張文和公爲志其墓

擬古詩

行行重行行

行行重行行
裹糧戴吾笠
修途日以荒
所在生荆棘
猶豫立道傍
徘徊以歎息
所苦非別離
浩蕩無所適
深谷暮煙平
長河明月飛
孤雲藐曠颯
轉蓬何時歸
忠信不可託
廉介多見欺
惆悵返故鄉
且復掩柴扉

青青陵上柏

明眼集言四卷三十一
青青陵上柏不生培塿間
瑣瑣矜名士誰能共往還
驅車出國門遊戲上西山
草木多淑氣雲霞怡我顏
擘脯酌載酒哀箏獨自彈

今日良宴會

今日良宴會賓客相追逐
四座列瓊璣簾下奏絲竹
金樽傾美酒玉盤盛梁肉
衆人皆醉飽賤夫愈局促
羣居無高論不如處幽獨
歸來炊寒竈脫粟煮薄粥

涉江采芙蓉

涉江采芙蓉花葉皆茂好
所贈不合意一夕顏色槁
人生感知己此意向誰道
盪舟越江歸寂寞向芳草

庭前有奇樹

庭前有奇樹日夕撫碧梧
牆墉自峻絕盤桓以爲娛
盈盈

環堵綠亭亭百尺孤息蔭無佳人所辱甚泥塗鳳皇雖不
來安能共狂夫

西北有高樓

西北有高樓徙倚聊淹留平原千餘里遠道何悠悠日夕
回風起河水散亂流相思杳難託登高翻更愁

青青河畔草

青青河畔草離離路旁柳悠悠送行人泛泛舉杯酒終鮮
素心人何許同攜手歸來掩柴荆無語自垂首

人生不滿百

人生不滿百達人固知情重性命輕況當離亂時所見
不合意退避了無辭懷抱不可遣付之於酒卮

卽事感懷贈友

雲誼貴公子風流及老狂由來多意氣不僅妙文章青取
江南雨寒消塞北霜寒雲見朗月此意在君旁

吳歷字漁山號墨井道人常熟人有墨井詩鈔三巴集

陳言夏曰漁山為文恪公訥七世孫鼓琴作書潔清
自好尤善畫山水吾妻王煙客奉常以繪法冠江南
家藏宋元真蹟漁山學於奉常悉出示之隨臨縮作
小本渲染散皴得其神髓奉常撫卷歎息以為刻刺
神技斲輪妙手冥心默契不可思議錢東澗宗伯題
其桃溪詩稟曰漁山不獨善畫其於詩尤工思清格
老命筆造微蓋亦以其畫為之士固未
有不汲古不考文而可謂之善畫者
詩話明萬歷間利瑪竇龐迪我輩入中國始有二
五言七克諸書徐文定與共治歷算遂習其說具載
天學初函中漁山蓋亦以儒生而歸西教者墨井題
跋自言年垂五十學道於三巴有絕句三十首三巴
者耶蘇會之堂名也詩注謂柏先生約余同去大西
人舉不果後以老壽卒年八十六墓在上海徐家匯
即文定之故里前人紀載或云浮海不知所終或云
棄家出游航海至西洋往返數萬里歸隱上海皆未
盡確也海虞詩苑已稱真蹟流傳絕少張浦山以麓
臺論畫每右漁山而左石谷深致微詞要之六法之

外士氣爲貴論其韻致固非專矜功力者所足方已

秋日同許青嶼侍郎過堯峰

堯峰鐘磬裏一徑入雲林黃葉詩人興空山老衲心
茶桑秋塢靜鴛鴦水天陰謝屐都忘險煙霞此地深

弔孫太初處士墓

行到歸雲高隱地孤猿野鶴尙哀鳴晴溪綠滿侵難盡
秋葉紅稀踏未平壟上只今惟虎跡堂前何處有瓢聲
持竿白首煙波裏寂寞無人問姓名

題畫

陌頭柳色暗氤氳欲寫離情忍淚緘春雁可憐齊向北
那堪游子在江南

雨歇遙天水氣腥樹連僧屋雁連汀松風謾謾行人少雲

明時余言匯卷三十一

白山青冷畫屏

春風阡陌草初平
遠岫煙浮細雨晴
白屋門前烏柏樹
夕陽高下鷓鴣聲

夢迴西望碧山微
一水斜陽鳥不飛
欲採青黃蓮子葉
寄君先製卧雲衣

綠擺楊枝生白煙
茅堂深掩半溪邊
二年踏雪燕臺畔
辜負梅花月影眠

楊白花飛楚水東
竹林西轉竹橋通
扁舟載酒衝煙去
一路瀟湘潑墨中

谷口閒閒雲氣收
松杉高下自成邱
草堂且喜終南外
束帛無勞任白頭

蕭疏竹木倚江濱
石腳披莎拂浪新
一帶遠山銜落日
草

亭秋影澹無人

王槩字安節江甯人

題畫

湖千路僻無車馬葭菼蒼蒼涼到天長日接離慵不著草
堂閒對鷺鷥眠

顧有孝字茂倫吳江人諸生

寄贈沈留侯偕小阮北上

春風楊柳拂行舟有美聯翩共遠游入洛陸機新作賦依
劉王粲故多愁舊京珠履三千客荒冢冬青一十秋湖上
好山無恙在獨持卮酒對羣鷗

鍾淵映字廣漢嘉興人

送羅比部暫歸西川

白帝孤城落照懸鄉愁迢遞武功天將歸故國無鴻雁行
過空山有杜鵑劍閣風雲開五丈笳關烽火隔三川明年
巫峽生春水好上東吳萬里船

陸嘉淑字冰修號辛齋海甯人有辛齋遺藁

詩話冰修客京師與愚山酬唱每借過漁洋邸不冠
不襪縱談至夜分冰修紀以詩有句云科靴到門衣
不船船謂襟初也初白為
其塔從學詩頗得其指授

和阮亭綠雪詩

芥山紗帽頂歛溪松蘿巖蒸炒與烘焙其妙苦不兼虎邱
日鑄價欲敵氣味儻銀瓶署細字綠雪誰所緘烹泉手親
撥一啜意已快燕中澤瀉鹵吐漱常恨鹹昨來一夜雨白
液浮岩嵌欣然接新句上有紅印箝漁洋竟同好清韻流
霜簾詩翁字山白初卸南來帆不惜手露芽分貽壓貧奩

犀液汎翠甌蟾香透重檐頓軫昔所珍時俗定可砭何須
懷萼羹千里炊豉鹽

同旦中坐梅花書屋

三間書屋晝常扃好客偏能淡夕停但數舊人如落葉卽
看我輩亦晨星藥爐煙覆花陰合竹牖雲銜海氣青蚪幹
亭亭兩梅老待留冰雪吐芳馨

查容字韜荒海甯人

送武曾之宣府

由拳城頭月華白張鐙置酒宴征客由拳城外柳條青平
明相送出津亭羨君意氣真無比此去幽州幾千里攬轡
遙看冀北雲挂帆徑渡淮南水太行山高日欲斜邊風颯
颯飛塵沙候騎千屯吹觱篥明駝一隊奏琵琶上谷使者

與君厚轅門揖客論故舊伐鼓鳴笳部曲前錦筵紅燭軍
麾後觥籌交錯坐忘疲玉缸瀉酒醉難辭壯士橫刀看草
檄美人挾瑟請題詩丈夫三十猶未遇走馬窮邊那復顧
野狐嶺下白草枯卧龍岡上黃雲暮客中行樂不知年但
看月出幾回圓沙場忽聽思歸曲應使鄉關望眼穿

朱爾邁字人遠號日觀海甯人有扶桑閣集日觀集

吳退庵曰日觀居鹽官之小桃源以詩受知於王阮亭感舊集中所收獨多又嘗寄以詩云故人朱季在何處駕飛鴻其婦葛宜南有亦工詞翰著有玉窗遺稿詩話人遠父止谿司理敘州自海甯之蜀省觀因迎待歸有西瞻錦江戎州東將諸集排日為詩而先以紀程寓放翁入蜀記石湖吳船錄之體於詩編中敘次雅贍意擬道元亦稱奇作總為扶桑閣集冠以西瞻錄別皆里人贈行詩文附西山詩一卷則與李湘北同游燕郊竹垞為之序及其子溥西山從游詩惟刻本闕前四卷未喻其故分集瑣碎猶沿明季舊習也

碧雲寺後山

曲徑自然好不知山已深蒼蒼石潭上了無人世心境幽
思轉寂秋氣加蕭森迴身躡高岫忽焉踰百尋橫阜展右
臂谷湖蕩前襟下眎所歷徑雲壑彌沈沈寄聲謝熱客此
地饒清陰

夜上雲岫庵

青山愜所懷一步一延佇不覺夜色來蒼蒼沒平楚失道
徑轉紆陟歷忘峻阻忽然身已高鳥下聞人語欲辨已微
茫東西無處所疎竹逗鐙光始知隔巖戶奮策爭先登卻
怪來風雨住足問徐徐潮聲走遠浦

戎州雜詩

匹馬登城暮蒼涼極望間青衣天半水烏撒瘴餘山風激

邊笳裂霜危峽草斑獨攜雄劍在長嘯拂金環

俯江亭秋眺

金雞嶺接汶江濱曾說當時物色新花下醉歸珠勒馬月中歌送玉樓人荔枝香熟蠻方雨橦布温生漢殿春回首那堪兵甲後白荆黃葛亂青燐

北風一夜度滄洲龍馬江光抱日流北引荒荒蠻樹直東連滄滄楚雲浮幾年壁壘分天塹萬國舟車阻上游草野無人收戰骨黃沙不散鐵衣秋

馬思贊字仲安號寒中一號南樓海甯人有寒中詩

吳退庵曰南樓爲揚州推官麟翔子工書績學家有道古樓插架多宋元精槧旁及金石祕玩絹素真蹟充切其中不減倪氏清閣閣也性豪邁喜交游名賢俊流咸訂車笠之契朱人遠爾邁稱其詩一往有俊氣室人查惜字淑英爲西梅先生女亦工詩有吟香閣集

詩話寒中本姓朱氏先世出繼於馬故竹垞稱爲宗
人家插花山下三面皆山南濱於海以鑿藏著聞集
中題宋元人畫軸謂約選百種有奇而可與生命俱
者又惟十數軸各以詩記如郭河陽春耕圖李伯時
蠻王酣樂圖劉松年春山雨霽圖夏禹玉華山看瀑
圖黃子久亂山古木圖王叔明山村圖趙子昂春流
放船圖王若水蘆雁圖錢舜舉女仙夜會蓬萊
圖倪元鎮江渚蝸牛廬圖皆其銘心絕品也

插花山居詩同弟寒將作

未必桃源便弗如此鄉洵美是吾居衣冠俗儉風猶古耕
鑿人多力有餘繞屋定栽千个竹幾家同種一池魚近來
長算村翁富賣與山田得買書

濃雲暝雨互悠悠寒食前頭社後頭兩月筍膏充肉味一
年茶事算春收鳥當久坐聲逾美花到無名種最幽料理
茶鑪兼酒榼獨尋萱草對忘憂

最愛西風換夾衣一番秋色到柴扉不除衰草留蟲語但

助學錄言四卷三十一
掃空階候葉飛帶角未妨菱稍貴然其或恐豆旋稀直愁
惱亂比鄰意珍重兒童喚鴨歸

大尖山下最佳處

林泉何處養疎慵准擬移家占一峯木未飽霜濃過夏水
初收潦淨於冬山陰白晝疑天雨潮響黃昏雜寺鐘一事
病夫猶當意茯苓根護萬年松

沈進字山子號藍村嘉興人諸生有東園詩藍村橐半

巢居橐退叟行吟

詩話山子早年詩尙清麗與朱竹垞周簞谷唱和嘗
得句云梅花高館落春草斷垣生爲陸麗京所稱由
是知名人號爲斷垣先生晚自編詩歸於沖淡

橫山蛟潭同朱十彝尊賦

積鐵立千仞行人墮蒼黑危風動山根側見雷雨入陰厓

閉長廊鬼火白日出視聽驚心魂峯巒俯突兀微涓滴松
枝清響久寂歷愛茲叢薄深棲遲慰晨夕庶不孤願言超
然慕疇昔

渡浙江別陸處士

折

悽惻臨歧路蒼黃對遠天春風官舍柳暮雨石林煙檣燕
來還去山雲斷復連今宵何處泊愁坐扣離舷

木葉鶴洲看梅同李人表

地近裴休宅人稱太守園

主人李葵石
會守貴陽

風煙湖上郡橘柚

水邊村細路垂藤礙鼓沙帶雨渾梅花飛不盡香雪滿庭
垣

沈岸登字覃九號南渟平湖人有黑蜨齋詩鈔

詩話南渟能詩善畫尤長於詞性耽
泉石不求聞達有衡山石田之風

憶湘湖

菱葉初肥稻葉黃
茅椽八九在中央
日斜驅犢籬外水
落又魚略徇旁
雲陣半浮山面白
竹風時作雨聲涼
秋來更有牽情處
紫蟹黃雞恣意嘗

秋暝

木葉落未歇
秋村欲暝時
荻花圍細艇
鳥影定寒枝
野色茫無際
離居有所思
百端於此集
不是為秋悲

沈用濟字方舟錢塘人有荆花集

詩話方舟少即工詩與弟遯澗沂原合刻荆花集
晚客三韓張參議延校所氣骨清堅進而益上

昭平道中

灘勢奔騰下舟行
次第高瀑流爭一石
人力盡千篙壁峭
奔雷雨林深聚羽毛
江鄉歸未得夢寐亦風濤

望西岳

五千仞削勢崔巍西鎮坤維玉作臺海日夜從金掌出蓮
花春向石盆開宮臨白帝三峯立城繞黃河九折來欲跨
茅龍問酒母芝田堪種乏仙才

孫默字無言休甯人

詩話無言客維揚工詩廣交游一時士大夫過淮南者無不與過從晚欲歸黃山海內能文者作詩以送漁洋荔裳愚山諸老皆有詩竹垞一絕句曰蕪城客散亂鳥嘯別業黃山路不迷後夜相思秋色遠月明三十二

登大觀樓

一望天無際憑高俯大荒馬馳烽火徑人在水雲鄉短櫂
迷春草疎鐘送夕陽百年車笠意對此倍難忘

將歸黃山留別諸同學

伯臯廡下謝朝春回首淮南徧夕烽客到空城餘蔓草身
隨孤劍冷芙蓉秋深始買江邊權古寺還聽天外鐘黃海
只愁迷舊路仙人丹竈白雲封

孔尚任字季重號東塘又號云亭山人曲阜人歷官戶

部員外郎有湖海集

詩話東塘作漢銅尺記周尺考周尺辨三篇極精核
工樂府有桃花扇小忽雷傳奇以國子博士奉命閱
河駐淮揚三載東南遺獻編紵爭投拜明陵詩宛然
鄧孝威杜于皇一輩人口吻可見國初風俗之厚

丁廉使 名煒

康熙二十七年夏中外昇平登禾稼豈有失所一軍民楚
中猝變真可訝我巡海日煙霧深紛紛耳傳信不真或言
亂賊立首領官兵氣靡都降身湖風湖水路渺茫萬姓夜
走看北辰或言三日把關隘選將搜糧侵鄰界霍霍磨刀

逼官降忍辱齊向轅門拜獨有一官舊豸衣強項能使渠
魁怪後來漁船稍稍說蘆中人聲夜鳴咽點火照見好鬚
眉三日絕食脣焦裂義不受官善哉逃棄家無乃腸如鐵
天兵忽下賊兵死圍城無恙舊妻子假威騎馬坐衙人相
逢羞見丁廉使丁公丁公今日歸城郭人民無是非天下
詩格屬公好如此風節世又稀天子召公公去急丹楓白
葦拂征衣父老爭看歸來鶴詩人面上有光輝

送駕至淮上恭賦

淮煙淮水萬民迎飛放蘭橈夜不驚天馬逍遙官路大黃
河恬靜御橋平公然袞冕看花立竟許漁樵近仗行最是
光輝人隊裏龍顏喜顧喚臣名

拜明孝陵

宋寢齊陵盡野莎英雄有恨欲如何寶城石壞狐巢大龍
座金消蝠糞多瞻像猶驚神猛氣禁樵渾仗帝恩波蕭條
異代微臣淚無故秋風灑玉河

贈樊會公

叉頭挑出古雲煙混入時流乞畫錢內府收藏君總在標
題半是啟禎年

鄭谷口隸書歌

魯中漢碑存十一任城有三闕里七鄭固墓銘峙東平苔
蝕榛荒亦未失漢碑結癖谷口翁渡江搜訪辨眞實碑亭
涼雨取枕眠抉神剔髓歎唧唧愉悅拱揖漢代賢夢中傳
授點畫畢蟬翼響搗攜滿囊曉風吹鬚策驢疾歸來檢付
高手工蜜香側理裝成帙碑額碑穿碑陰完集古錄中無

缺逸文檀爲函玉爲籤琳琅金薤照晴日谷口危坐四壁
觀何殊蠹簡蝌蚪漆以指畫腹晝夜思久久古人精神出
縱橫能爲徑丈書小者針蠶皆綿密橫飛直牽力千鈞盛
年已入中郎室如今垂老不輕揮瘦臂撐拄肩萃嶽鐙下
爲我摹數番古勁如鑱金石質漢後隸書誰登峯學問無
如谷口筆珍重藏之勝藏碑贊服作歌美非溢

白雲庵訪張瑤星道士

淙淙歷冷泉亂石路頻轉久之見白雲雲中吠黃犬籬門
呼始開此時主人膳我入拜其牀倒屣意頗善著書充屋
梁欲讀從何展數語發精微所得已不淺先生憂世腸意
不在經典埋名深山巔窮餓極淹蹇每夜哭風雷鬼出神
爲顯說向有心人涕淚胡能免

歐陽文忠公集卷三十一

凌名柯先生遺骸久暴吳蘭次知湖州始為卜葬口

述其事因紀之

錚錚凌廷尉殉節何其壯赤血已化碧白骨無山葬年年
樵牧兒來往敲柩唱吳公高義人聞之神悽愴醜錢重治
棺剝石堅其壙一旦馬鬣增松楸鬱在望忠魂欣有棲孤
寡來灌鬯再拜賢大夫喜極哭相向大夫答何言淚滴馬
鞍上

宋祖昱字斌貽號西洲會稽人諸生有西洲類藁

詩話西洲性傲岸在京師時漁洋方主壇坫西洲僅
投以四韻一篇田山薑嘗與賓筵論詩上下古今終
席不能屈其卷中古風雖多長慶體而才氣恣肆書
卷足以佐之能自出機杼使題無贖義人謂長吉之
天東野之窮玉溪官不挂朝籍
皆坐挾摘物情太甚西洲亦然

西洋獅子歌

九重天子垂衣裳異物遠致由遐荒自昔康熙歲戊午狻
猊入貢來西洋大句臚唱千官入兩階千羽如山立舞蹈
爭看回鶻裝梯航倏至波斯客崔巍鐵柱雙銅環玉除丹
陛蹲獅蠻猛氣潛消殿庭內虬聲猶撼雲霄間據地迴身
時一吼白象摧藏老熊走俄驚瓦震昆陽城復覩風馳土
囊口鋸牙鉤爪見分明曾向烏丸識舊名小苑銀牆高置
砦上林金鎖怒攀楹從來此物稱難得萬里追風猶咫尺
條支海上夜觀兵榆葉關頭曉馳驛重譯朝時不計程月
支使者憶隨行盛來巨檻千人護攜出雕籠百獸驚皇仁
不絕殊方畜莫遣山林更馳逐玉輦時從虎圈游庖人日
給官廚肉羽獵長楊事有無從禽往往鮮歡娛讜言早已
旌家令廷論何曾重嗇夫聖明留意安區夏奇祥異瑞升

聞寡絕域甯須獻白狼新聲無復歌天馬鼓罷南薰雅樂
成遙瞻率舞在虞廷重瞳御世康民物一奏簫韶詠太平

洗象行

宣武門邊塵十丈御河六月觀洗象長槐高柳碧森森駮
駮如山屹相向傳聞貢自西南夷橫紋敝掃蒼蘚皮龐軀
巨顙秀眉目銀鈎纔出收瘡痍一入天門守環衛三品官
階護軍貴芻秣長支月俸錢馳驅每就公朝位先朝遺制
開象坊豹房虎圈紛周防天生神物獨馴謹南薰伏日游
滄浪沍沍金溝水涓潔灌木陰中少炎熱跋足堪驚鷗鷺
羣投身已盪鼉鼉窟俯仰看成島嶼浮沿迴漫數潭淵闊
干尋碧嶂聞奔雷萬里高空濺晴雪須臾不動浮中央河
干漠漠生微涼極浦冥濛過疎雨層城一面當斜陽紫髯

奚奴挾雙帚祓濯頻加不離手迴瀾一洗塵垢清復向波
中白羣友吾聞香象曾渡河旃檀林下時婆娑六牙齊現
寶華墜諸天纓絡金盤陀壯觀千人眼中見一幅澄光淨
文練象教休馱竺國經軍聲久息昆陽戰日色山龍映袞
衣香煙翟羽交宮扇赤罽珠鞍按隊過他時對立含元殿
從來馴象致昆明滇池饒吹扶南城聖朝不貴殊方物洱
海秋風笑獨行

不包山歌

山中有人別東越千丈懸愁綠玉髮朝披笠澤雲夜卧松
陵月吳江淨如匹練明一片桃花卷春雪飄颻白鶴擎獨
立包山陽具區三萬六千頃微風不動青茫茫縹緲峯頭
日初出洞庭金光穿石室樓臺照耀煙霏開玉字金書總

相失微聞山隱居竊往探靈墟天地大文實磊砢非時持
此將焉如西施蛾眉難效顰年年歌舞吳宮春鴟夷一舸
載之去五湖煙波愁殺人

青琳堂歌贈韓無我

君不見周人掘鼠強稱璞鄭賈來觀本非玉又不見宋人
得石梧臺巔囊中什襲凡幾年世間真偽甯有定一經好
事供流傳韓侯堂中有尺璧太古精英綠沈色瑚璉比貴
玉比貞除是青琳總非匹主人抱璧居此堂文窗曲檻分
周行坐攬圖書挹清潤行看琴筑含輝光堂中賓客俱回
首異事經時在人口自來貽贈重英瑤長遣詩篇賦瓊玖
聞道今皇御極年欲窮山海躡風煙試探河源遣都實莫
辭博望封張騫漢代通侯有遺裔鑿空遠作乘槎使織女

黃姑定有無菟醬，叩枝競羅致。崑崙山頭石，氣青海波如。
乳翻春星層城十二，此間是雕鐫。白玉成山，屏屏風嗟峨。
高十丈琪花瑤草，紛相向躡足，猶臨霄漢。旁置身已在風
雲上，俯視朝陽半嶺餘。金輪迸躍行空，虛目迷五色，燦沙
礫紫球。金薤紅碑，磔瑤光一顆，偶然墜化作瓊瑤落塵內。
雅青水碧相盪，摩百尺琅玕，誤椎碎。一時拾掇，懸馬頭王
母，珍惜仙娥，愁悶風奇寶難久。闕遙隨使節來中州，鎮日
摩挲，看不足。遠勝流黃并結綠，自探靈境到瑤池，不枉名
山號羣玉。韓侯愛寶兼好奇，致齋三日方攜歸。國工袖手
不敢鑿，一朝徑釋旁人疑。登堂作記敘疇昔，持示名流詡
難得。入席衣沾積翠寒，卷簾帽點空青溼。賓朋滿座酒滿
樽，綠蘿丹荔環重門。春山婉變出几案，晴螺拂徧無纖痕。

地耳集言四卷三十一
意氣何妨共終古肯使琳琅雜砮珞擬求仙術種藍田憶
得靈根植元圃吾聞往昔明盛時白環遠致流沙西遐方
異物時入貢或繙玉冊函龍泥圭璋特達期有用豈合隨
人資玩弄抵鵲方同一葉輕藉茅頓較千金重韓侯妙鑿
稱入神他年識者能傳真好將趙氏連城價問取荆山泣
玉人

故明宮人楊氏度曲歌

大明湖水年年綠旁有佳人在空谷淪落泥塗五十年白
髮猶歌太平曲當時少小住山東爲選蛾眉入後宮初見
黃門頻指鹿俄看朱邸倏飛龍真人御極安區夏金甌端
拱無纖罅復旦麇來拜手餘南薰鼓就垂裳暇宴坐朝元
一事無偶當承值奉歡娛流傳樂府翻河滿檢點新聲逐

念奴玉熙宮裏曾開讌咬春燕九從游徧郢雪流風拂彩
衣梁塵映燭飄紈扇曲好頻移繡柱箏歌成屢賜黃金鉶
也識朝廷久晏安借賞風光共流轉忽報潢池起弄兵西
來豺虎正縱橫那期大內彈琴罷博得中原戰鼓驚從此
宸衷慘不樂遏絕聲音止絃索過錦工師出教坊投壺玉
女閒官閣鳳紙停呼菊部頭龍樓輟奏梨園樂水調餘音
漸失亡霓裳散序多零落今春憔悴復明春掃殿焚香作
散人長觀君王憂赤子誰令宮闕亂黃巾煤山夜半何倉
卒海棠落盡風蕭瑟阿監同時捧壽宮干官不見朝溫室
無數紅妝殉御溝正擬相隨復相失太液滄波鷓下來上
陽花片鶯銜出黃紵潛易內家妝張掖門開急走藏拋擲
綺羅逃劫掠遷延道路轉尋常徑別燕京適齊魯漂泊仍

歸故鄉土織布漚麻結比鄰采薪汲水支門戶疊在衣箱
不計年深宮剩得當時譜點拍依微字畫訛宮商約略歌
聲苦錯將天上紫雲迴翻作人間綠么序不惜尊前發曼
聲一曲將終淚如雨往昔繁華等逝川尙餘選侍在民間
三朝彤史誰能紀一代紅顏絕可憐老婦今年總遲暮短
豔長趨迴非故耳目神明久未衰伶倫節奏遲偏誤屬和
難教楚客聞尋聲漫遣周郎顧夜雨凋殘玉樹花浮雲隔
斷蒼梧路冬青枝上杜鵑嘯送墮胭脂不知數我聽清歌
倍慘傷白頭宮女話興亡天荒地老無窮恨莫唱開元舊
樂章

劉伶臺

一片長淮水劉伶醉酒臺帆隨江樹轉城壓海雲開蕭颯

天門嘯飄零沛國才二豪長侍側此意亦雄哉

巢陵城

孝武河西渡移民事可徵雲沙埋魏郡風雨暗巢陵汨沒
空三版漂搖減百層猶聞原野外春薦幾沾膺

立秋前一日齊河曉發

海右經過地河干夙昔游晨光催月墜暝色帶星流車馬
煩猶數關山老自愁客心如落葉明日又經秋

題光嶽樓

縹緲層樓拂太清上窺天宇下神京橫分閒氣三千客迴
落晴光七十城日盪滄溟遙見影雲連清濟去無聲金泥
玉檢何年禪爲告中原久治平

高陽氏陵

東郡餘靈寢高陽有闕宮承雲留雅樂若水著神功佐帝
欽殊烈乘乾識令終九黎消亂德八凱襲遺風星宿蒼龍
歷天人白虎通可知埋玉地猶在頓邱東

晚晴詩匯卷三十九終

晚晴移詩匯卷四十目錄

姜安節 一首

姜實節 六首

姜寓節 一首

魏允栢 二首

魏允札 四首

王攸 一首

王敵 四首

孫寶仍 一首

孫寶仁 三首

費錫琮 三首

費錫璜 九首

萬斯年 一首

萬斯選 一首

萬斯大 一首

萬斯備 二首

萬斯同 三首

周在浚 六首

周在延 一首

周在建 二首

汪文桂 一首

汪森 十首

汪文柏 十首

李繩遠 七首

李符 四首

曹釗 三首

曹鈞 五首

曹鎔 六首

曹鈺 一首

馬敬思 七首

馬孝思 三首

馬方思 四首

馬國志 四首

曹燾 一首

曹煊 一首

張道源 一首

張道深 二首

盛鏡 一首

盛大謨 一首

盛樂 二首

曹爾垣 一首

曹爾垓 二首

曹爾埏 一首

曹爾埴 二首

曹與晉 一首

冒嘉穗 一首

冒丹書 二首

冒車書 二首

冒漢書 一首

冒禹書 一首

冒殷書 一首

冒福書 一首

晚晴移詩匯卷四十

徐世昌

姜安節字勉中萊陽人有永思堂詩鈔

詩話國初姜如農給諫如須大行流寓吳中如農以
譴戍宣城臨卒命葬敬亭山下勉中囊其遺齒歸瘞
萊陽先冢復南移家宣州廬墓側以
居弟學在及如須子奉世皆居吳門

泊寶應

河伯由來悍秋霖勢更張屋沈餘井竈樹滅辨微茫萬里
湖天闊千村稼穡荒農家無住處草舍架官塘

姜實節字學在號鶴澗一號仲子萊陽人有焚餘草

詩話鶴澗為明給事中塚子工詩善畫山水法雲林
寓吳中所居曰菽圃文文肅清瑤嶼舊址也足迹不
入城市人稱鶴澗先生求其畫者必得其題句以為
重厲樊榭題鶴澗畫松云萊陽姜仲子矯矯清節後
獨持滄海身畫松只盡瘦矮紙氣屈蟠疏影滿巖竇
勿矜干霄意乃為般爾有題字不滿百其筆勢如籀

對之神魄驚慘淡見寒秀
裝堂沒骨花遠笑筌熙陋

芮玉權招飲同章穎叔諸子卽席分賦

選石支茶竈留賓啟竹關繞籬雙澗水對酒一樓山屋小
疑僧住林空羨鳥還買田吾有意終傍二溪間

江山游覽詩同長兄勉中賦

北固橫天塹登高杖短筇馬嘶殘夢月鴉避落帆風草木
春城外江山戰壘中孫劉饒往蹟流覽意無窮

題黃鶴山樵聽雨樓卷

湖天過雨水冥冥吹綠東風草一汀絕似銅坑橋上望遠
山如髮向人青

題畫筍

籜龍新長滿前汀想見枝生葉更青便擬與君同側耳秋

聲齊向畫中聽

虎邱

寺門歸路柳隄東十月繁霜唳早鴻
好是日斜人去後一天紅葉下西風

程汝諧移居虎邱

斟酌橋邊市花園巷裏居石牆低見屋
山溜暗通渠有客攜詩卷從親奉板輿
此中多勝境應不羨華裾

姜寓節字奉世萊陽人有白雲集

程非夢移館題贈

十年流寓舊都亭餽口還憑子墨靈
深巷停車門挂席閒階沒草案橫
經桃花浪卷千層碧楊柳風飄一向青
握手故人長太息城南尙有少微星

魏允柀字交讓嘉善人有維風集

詩話交讓忠節之孫父為孝子母為節母崇禎間嘗承恩廕甲申後不出柳洲風雅交讓為主盟同社深

相推重

暨陽

烽燧遙天接大荒
高城憑眺曉蒼蒼
薜蘿乍長新官舍
燐火宵明古戰場
秋雨遠來江氣合
夕陽斜墮澣雲黃
三吳事業殘碑在
矯首雲臺思渺茫

題法螺精舍

絕頂峯開祇樹林
翠微俯瞰碧沈沈
數聲清磬落山下
門外日斜春草深

魏允札字州來更名少野號東齋嘉善人諸生有東齋

集

詩話東齋為忠節公孫豪於詩長洲顧俠君嘗招為
文酒之會四方名士畢集座間詩俱成東齋獨瞠目
不發一語俄而呼筆墨取座客詩徧和之東齋初為
詩一意宗唐晚乃學宋論者謂其品格在石湖誠齋
之間

苦雪

日影亦欲出雲陰不知讓炯炯天之晴乃為其所障因而
致風雪自朔漸抵望有時或狂飛有時或輕颺舞空長漫
漫前後非一狀城中千百家何必皆挾纊平地凍殺雀合
向人腹葬我如老阿先卧起幸無恙獨恨無大裘徧覆逮
幽曠計維挾重雲庶令紅日放

閒居

傍忠泉剩舊茅廬白拂青藤伴起居不願後身仍識字祇
祈當代再焚書家風久矣宗三類世事終然付六如可奈

學徒常錯認轉將滓穢作清虛

憶弟

聽殘宵雨半瞢騰
浙浙虛窗淡淡鐙
繫纜江亭等潮上
夢君野泊在西興

東園弟招同馮又三集脩然閣感賦

頻年故鬼唱秋風
幾處離人歎轉蓬
身到武陵應識得
小桃雖在是衰紅

王攸字曷功衡陽人

桐林鋪望梅龍雨霽

梅雨行不息因之思碧山
片青忽迎目悠然清心顏
峯樹無改色滌滌整綠鬢
飛雨復何來遽欲掠其間
幻化豈有根微心終自閒

王敬字虎止衡陽人諸生有蕉畦存橐笈雲草

詩話虎止船山先生子與兄攷曷功齊名稟承庭訓勤問學篤行誼尤工時藝與邵陽車无咎補旃王元復能愚攸縣陳之駉桃文稱楚南四家又有稱楚中三王者虎止元復及漢陽王戩伯穀也虎止晚築湘西草堂學者稱蕉畦先生詩樸老亦有夕堂遺範

秋初游邵陽城西酒闌有作

青山不可盡古郡環資川暑氣息連雨山容澹輕煙良辰策芳屐舊好相追旋長吟西門曲迴首城南天天容秋始澄覆釜幢碧圓舒襟愜所賞縱論忘蹠筌徙倚曰藏松友云歸可遣置君桑落酒理我桐上絃鳴絃有希音酒酣無俗讓適志御清風冷然謝拘攣

二月山中卽事

萬壑遞層陰光分一徑深草叢留宿雨雲破見歸禽奇石

呈幽賞鳴泉懷好音林端清籟發適伴越人吟

待友

小立閒階外凝眸日已西稻苗深一尺中有水禽嘯

別儲六雅

久向鏡中憐白髮初從月下倒清尊他年暇日容相念檣

櫟湘西綠樹村

孫寶仍字孝堪又字孟滋號恕齋益都人官光祿寺署

正有恕隱齋詩

詩話恕隱為文定子以任子官光祿遇公讌將相家子弟裘馬輕肥恕隱獨贏馬敝衣蕭然如寒素弟仲思寶伺尤廉謹文定不使入京闈亦以廕授都察院經歷辭不赴

北上留別祖道諸公

相送高臺上川原渺若何漸辭青嶂遠轉覺白雲多名士

榮簪笏幽人愛薜蘿臨歧千種意惆悵付驪歌

孫寶仁字伯純益都人諸生有禹石樓集

卽事

野浦山溪一徑通柴門茅屋繞丹楓朝看雁鶩清波裏夕
下牛羊落葉中

歸舟

燕子磯頭風浪生晉王塔頂晚霞明扁舟東下邗溝急坐
失南徐鐵甕城

秋日雜詩

花宮香靄敞青螺方外招尋九日過兩岸雲山秋色迥一
川鷗鷺夕陽多陶公入社頻傾酒小阮從游獨和歌禪室
依然人已往可憐新塔倚巖阿

費錫琮字厚蕃號樹棲新繁人有階庭偕詠集白鶴樓

集

詩話厚蕃為此度長子工醫詩集已不存咸豐間新繁僧舍澈雪堂合刻費氏詩三世四家厚蕃詩九篇為最少片羽惹留蓋亦僅矣

滁州道中

策騎入長林村幽耐客尋秋晴紅葉潤山遠暮煙深江館
寒潮斷河橋蔓草侵古人殘跡在空使候蟲吟

黃河

靈脈來天上渾流晝夜奔縱橫穿套口曲折下龍門地入
榮陰斷山臨華嶽尊何須逢漢使便擬溯崑崙

登北固山

絕嶺橫江岸登樓望渺然潮來徐福島山出寄奴泉境界

分吳楚波濤混海天千秋爭戰地今喜靖烽煙

費錫璜字滋衡新繁人有掣鯨堂詩集

詩話滋衡爲此度次子豪放不羈詩如其人好爲古樂府沈文懋稱其蒼蒼莽莽時有古音此度有北征詩述亂離中事滋衡亦有北征哀歎曲至二千一百字自謂心血橫流吟成鬼泣嘗登之采投詩於海痛哭而返蓋悲其才之不遇而求交於天吳陽侯其好奇如此

泛舟紅橋因至觀音閣

繡槳盪晨波春城千柳影水窗三十六捲簾落紅粉佛閣
絳仙宮臙脂沈廢井鬼唱念家山桃花淚如綆

送閔山長入都

江浦柳堪折故人初入燕春風衣上輒寒日馬頭圓雨合
清林色晴分綠嶂煙不忘塵外侶應指海雲邊

村夜

明詩彙言圖卷四十一
六
村夜百機息桑榆辨渺茫犬聲一巷月人語滿船霜秋遠
蕎花靜宵深橘葉香幽懷無與晤獨立詠滄浪

京口夜泊

淮海孤燈暝關河一雁秋霜催兩鬢改潮裏眾星流鐵甕
熊羆守金山神鬼愁勿矜天下險王濬下中流

黃湓阻雨

白鳥低飛樹影搖春愁如病酒難銷雨聲寒入何朝寺殺
氣收爲半夜潮世事聽來成往劫驚風定後拔新蕉憑君
莫指黃巢壘今日孤舟夢六朝

相逢

歧路不相識一言傾寸心贈君腰下劍不在直千金

邊辭

四月春風不度遼邊城氣候迴蕭條黃金臺上花都落長
白山頭雪未消

狹袂輕衣別樣妝美人酌酒勸君嘗琵琶一樣清商曲彈
到涼州便斷腸

旌旗慘淡照黃雲細柳營空背夕曛誰使射鵬人入塞朝
廷自殺李將軍

萬斯年字祖繩號澹巖勤縣人

詩話萬履安戶部泰諸子皆才公擇第五充宗第六
允誠第七季野第八並知名而澹巖爲家督明末避
亂晝則偕老農雜作夜擁書集子弟環坐講
習非雞鳴不止晚設教桃源書院多所成就

廢處山中友人沈哲先以詩見詢依韻奉酬

與子精神洽時形夢寐間賞音若流水回首獨青山雲卧
隨時過鵬飛計日還鍾期幸謀面高轍許同攀

萬斯選字公擇鄞縣人有白雲集

詩話公擇嗜宋五子之學躬行實踐嘗議講學家多雜禪學彈駁不少假借梨洲以爲吳康齋之流

題錢清溪少參遺冊

清溪錢先生年少登仕籍上陳八事疏嘉謨盡碩畫毀撤
魏監祠書院開講席從游南臯子正學重名節歷官之所
至義聲奪人魄衡文齊魯邦多士手加額至今朝宇間彩
鳳奮逸翮雖然遭疑謗微雲掩曦赫至誠能動人賢者腕
爲搯風馳雲影過天清日復白義熙有全人奄然歸窀穸
人亡四十年流芳動九陌遺文金玉倫含輝光四射撫卷
誦琳瑯聲色雅可摘其人邈千古其心通一脈我生在後
時丰采未親炙蒼茫潑水盡坐見寒潭碧

萬斯大字充宗鄞縣人

詩話充宗兼通五經尤精於春秋三禮各有書數百
卷其別出者為萬氏經學五書行世剛毅好義張蒼
水死節遺骨未瘞為葬之南屏
友有喪未舉為募有力者窆焉

姚江李聃孫石梁圖歌示八弟

十日畫水五日石王宰始肯留真蹟自從少陵為此言詞
人誦之常嘖嘖吾觀李老石梁圖揮毫落紙成頃刻意酣
興盡何淋漓筆墨蕭閒殊自得乃知論畫當論人不在從
容與促迫其人讀書風流士下筆自饒煙霞色假使胸藏
一點塵終年操筆亦何益吾嘗持此論畫師不意於今乃
得之石梁挂在秋天上萬仞危峯積一絲偏袒衲子何為
者卻向梁間足倒垂山邊石溜胸前瀉日畔秋雲頂上飛
自憐赤城足未到何緣此日登其崖松風謾謾竦毛髮澗
水泠泠清心脾八郎勸我珍此畫世間奇物原無價月下

明時彙言四十一

風前試一看泉聲石色幾驚詫我詩汗漫不足存今時畫
師誰喜聞山間澤畔有知己留待他年子細論

萬斯備字允誠鄞縣人有深省堂集

詩話允誠工詩五律尤精警為李杲堂壻杲堂有詩
曰偶然題得驚人句喚取吾家萬壻商嘗自以為詩
不如允誠輯甬上者舊詩
允誠助之搜輯所得為多

溪上

夜雨青楓路秋風白豆家醉眠三戶酒吟謝一籬花山客
雲為服溪漁宅是沙人生貧亦適所惜鬢空華

香溪送酒

可念招提客眉攢欲遽回一尊連雨至雙屐破雲來游策
鐙前計新詩醉後栽海棠殊解事早放數枝開

萬斯同字季野鄞縣人有石園集

詩話季野自以故國世臣不欲出仕有欲以博學鴻詞薦者力辭不就康熙間復開明史館王橫雲尚書招季野以布衣覆審史藁凡七年成藁五百卷其後部帙雖屢易終不能出其範圍以視元遺山陶南村殆有過之無不及也

寄五兄公擇

食飲不求精冠裳不求好但求免飢寒骨肉常相保微願竟難遂分飛各遠道欣欣向榮木喑喑投林鳥我乃不如斯喟焉傷懷抱

陶令常乞食顏公亦求米古來賢達人所遇猶若此況我與時違凍餒固其理且當守故居量力營菽水得食暫安眠聚廬亦可喜君胡事遠游經旬去鄉里未得一錢看反受三春餒伊優復伊優運命固如是不見張長公白首田園裏

述舊

我昔九齡時慈母中道棄此時赤日頽風塵匝地沸艱難
營一殯辛苦且逃避晝行巖壑間夜宿虎豺際弱兒可憐
人性命託兄弟穴居踰三年脫粟常不繼重返西皋居遂
作灌園計田圃久成蕪桑麻亦已廢再葺耕耨基復理桔
槔器時或從父兄荷鋤畦邊憩漸成田舍兒頗諳村居味
謂當謝俗氛終事田家利不謂志難諧復迫居城內念茲
釋耕耘欲識詩書字父意憐少兒親爲解章義晨夕寒松
齋呼兒捧篋笥或時使應門間亦執巾屣窮愁寥泝中父
懷每欣慰久侍少譴責亦自多歡睡飢寒相逼迫父往游
嶺外日夕望還期中秋果返轡途次九江濱奄忽一夕逝
寄信至江鄉慟絕中腸碎易簣在何時蓋棺在何地含殮

兒不親湯藥兒不侍天長日月久此恨終吾世返樞江西
濱結廬西山次迄今已三年魂魄猶飛墜歎息我生涯憂
患何遭備

周在浚字雪客祥符人有黎莊遺谷諸集

詩話灤園諸子皆能詩雪客尤擅時譽著述精博南
唐書注最有名又欲注五代史未克成書好收藏金
石書畫一時名士皆從之游縹緲賦秦准竹枝詞
國初諸家詩中往往及之嘗游秣陵賦秦准竹枝詞
同作者漢陽羅世珍以獻嘉興曹偉謨次句容張
芳菊人晉江黃虞稷俞邵江甯吳晉介茲江夏周蓼
卹貞妻徽州王楫汾仲六合孫沂如阿匯嘉興王槩
安節江甯李郊董自黃岡杜紹凱蒼略華亭董含榕
庵華亭張彥之洮侯長洲徐奇東來江甯洪嘉植秋
士及雪客弟在延隴客鄧孝威采入詩觀初集凡十
人七

秦淮竹枝詞

布幔朱闌飾彩舟少年箕踞放中流三絃撥動涼州調故

老聽來盡白頭

端陽節近說青溪芳草門前踏作泥到得秋來人寂寞月
明衰柳夜烏唬

北人纔得解征鞍也學吳儂事事酸金碗銀盤都不用素
磁月下試龍團

紫騮馬

愛妾不辭換金鞭且莫揮踏花公子醉射獵故侯歸蹀躞
嘶芳草驕騰亂夕暉道人重神駿何必透重圍

送倪闈公游晉陽

唐殿隋宮滿白蒿汾河千古尚滔滔當年客裏驅羸馬此
日樽前贈佩刀極目彤雲沙塞遠荒城落日太行高晉祠
過我留題處難老泉頭罄濁醪

寄懷馮青門次隴客弟韻

傳家清白有淵源百卷殘書擁一軒
論少絕交譏到漑世無知己歎虞翻
英雄埋沒歸黃土壯士蕭條掩席門
萬事無如杯酒好桔槔亭畔自鉏園

周在延字隴客祥符人有攝山園詩集

登大梁城樓

秋草平隄舊戰場城隅滿目盡垂楊
雁聲帶影經嵩少山色連雲認太行
樂府新詞聲寂寞西亭殘卷事悲涼
夢華錄續腸堪斷依舊金梁月似霜

周在建字榕客號西田祥符人厯官淮安知府有近思

堂詩

詩話榕客爲樸園司農子幼承庭誥刻苦於學當時者宿如杜于皇蒼略張瑤星吳野人諸公皆與之游

牛首次黃自先別駕壁上韻

何處登臨勝清秋天闕間半林黃葉路一帶夕陽山帆過
江仍靜雲歸衲更閒此中宜對月梯好不須攀

同湘靈蒼略遠度集飲瑤星松風閣

江遠軒窗靜登樓逸興同高歌驚鶴夢落日醉松風白社
人還聚青山意不窮笑看鴉影亂城市晚煙籠

汪文桂字周士一字鷗亭桐鄉人貢生官內閣中書有

鷗亭漫稟

詩話桐鄉三汪周士其長次晉賢次季青皆能詩嘗
合刻汪氏三子詩梨洲為之序家自休陽移攜李得
曹氏倦圃居焉賓朋觴詠一時稱盛
子孫改籍秀水代有聞人遂為右族

禾中感舊

白頭無復古人存清書蕭然靜掩門鋤菜徑迷新草色壘

巢梁澆舊泥痕數椽差足遮風雪千載曾經長子孫回憶
家園好風景錫香粥白與誰論

汪森字晉賢號碧巢桐鄉籍休甯人貢生歷官戶部郎

中有小方壺存橐

詩話晉賢嘗與竹垞同定詞綜宦游邕桂編輯粵西
詩載尚風雅重文獻有足多者家有裘杼樓藏書甚
富與周青士沈山子輩講習詩古文辭所
自爲詩五言擬陶七言敦高岑皆見風格

寄屈翁山

皇輿產萬物維南聚珍奇麗珠或徑寸出浦光陸離珊瑚
八九尺鐵網籠其枝象犀與翡翠瑋瑁兼玻璃由來貢尙
方筐篚不少遺寶氣之所鍾自然萃文詞屈子問世出抱
才實不羈乃知三閭後根源浩難闕八極恣揮席摩霄翹
高垂蒼茫洞庭野寂默聞咸池躋嶽攀雲松浮湘詠江蘼

自楚投建業揚颿快風吹縱覽故宮闕頓興黍離悲復過
淮陰市弔古抵下邳心輪漂母飯勇惜博浪椎英雄事已
矣千載若可追放蕩齊魯郊揚鞭路透池直窮岱宗頂瞰
海騰晨曦曩蹟摻層崖徧讀封禪碑性豪任所往身輕無
一齎犯雪度雁門白草連邊陲飛揚逐射獵箭叫如餓鴟
獐鹿佐枰饌箏琶列蛾眉飲酣橫槊歌慷慨驚健兒孤蹤
轉西北過秦車載脂河工仍壯觀襟帶思昔時空尋渭川
竹浪采商顏芝感彼帝王業陵墓颯以衰客久習土俗荏
苒歲月移欲藏韋布名轉使卿相知招延到上國翰墨紛
淋漓天子方右文薦賢在臯夔脫身竟不顧肯被好爵縻
鼓枻東入吳瀟灑開襟期春風亦媚客花穠鬧黃鸝一上
姑蘇臺便辭震澤湄累月留樵李結友傾肝脾

謂竹垞
簪谷寶

劍脫相贈典裘勸金卮談鋒各雄驚如車駕駟驪揮戈動

壓壘舉旗輒登陴同調罷相鬪望塵徒盱眙傾心甘餘載

幾易裘與絺吾黨奈索莫抱華無由摘最惜庚申間鄧尉

梅紛披聞欲訪葦門怱怱值臨歧郭子皋旭為余言欣逢鐵橋叟

張丈穆之下榻曾淹遲每嘗羨學殖屈指無肩隨奄有漢魏作

搖毫洗浮靡繼獲蘭谿郵忽枉璆琳貽祝翁子堅轉寄詩外刻集開緘

炫眾目詞藻何蕨蕪鮑謝許力敵賈董為氣劇巨壑揚波

瀾罔敢測一蠡迄今栖羅浮身隱譽益馳鑿泉通丹岳擴

地增新棧奉母潔脩隨餘力視東菑闔戶擁萬卷此樂應

忘疲余從高涼還重切倚閭思滿衣鴿原淚家孟兄任高涼歿於官署

灑向天之涯浩歎當茲辰廉吏不可為讀書貴立德恤民

寬以慈邦人頗懷惠無由愬彤墀尙冀一言重怒焉若調

飢乘間願握手，穢權枳樹籬。釋此風塵色，挹君熊豹姿。雄
談邈上古，窈奧窮軒義。再聆瑤琴韻，宮商發朱絲。鄙懷蓄
已久，擬共吐嶽崎。不爾入山林，恐貽達士嗤。

光孝寺

招提郡西北，舊是虞翻苑。祝髮來南能，禪林契深眷。茲維
風與旛，心動隨所轉。見道發高言，宗風垂一綫。我來趁嫵
涼，徙倚石欄徧。池荷已蕭索，倒影開鏡面。東爲菩提壇，天
矯虯龍見。遺植傳齊梁，修條鬱蔥蒨。霜皮經雨緇，露葉迎
風顫。想當結子時，纍纍若珠串。閒登卧佛樓，梯級絕攀援。
爲感法門衰，津梁豈應倦。歸然鐵浮圖，千像孰鍛鍊。舍利
知有無，恆人罕流眄。藏經在一室，貝葉堆千卷。緬懷唐相
授，莫覩灘哥硯。日永鐘磬閒，深林墜花片。暑氣不侵人，臨

流撒紈扇塵事苦恩迫佳游謝談讌漸覺暝煙生
裘徇有餘戀

香槎歌

香槎千歲搜空巖一枝沈水同湖嵌奇珍磊砢不易致
海南賈舶馳風帆星槎貫月海波漱石骨并藉昆刀剗斲成
酒器注酌酣筵前好當金杯銜層崖疊嶂堆几案蒼翠鬱
積高巉巉周遭向背似飛動疑有林麓羅松杉雲埋雪凍
虎豹睡黃精可掘勞長鏡中含巨壑浸潭洞傾銀注瀉聲
颯颯天生巨製供快飲神工鬼斧真不凡長虹吸川鯨掣
海一飲數斗何嫌饒荷筍竹根最瑣細爵罍觥解都應芟
此杯遠至路萬里蠻煙蜚雨留封函憶當嶺表事跋涉鶴
原老淚凝征衫枕椰樹底剖椰實炎洲紫燕鳴呢喃鐙前

晚晴雜言匯卷四十一
回首話疇昔捧杯玉指誰摻摻人生行樂暢胸臆對酒那
計憂譏讒奇材識賞有同嗜顧我豈獨殊酸鹹作歌與爾
共傾倒新詩肯寄雙魚緘

訪贈龔半千

幽人門徑別知在冶城西適我來相訪逢君出杖藜圖書
鬆几列花草石闌齊款語曾無幾峰陰日已低
似子成高隱無慚處士名換鷺將乞米手寫代躬耕跡已
稀城市交還重友生風塵余未謝肯許訂鷗盟

次和過浮谿館見綠陰之作

春紅別樹動成旬池面圓荷貼水新自分藥欄兼竹概一
生長作浣花人

斜日疏簾碎影鋪卑枝接葉坐鶯雛醉餘客散閑吟久翠

澗蕉衫獨據梧

觀打魚歌

漕溪東入大江水倏忽波濤走千里蛟龍移窟風雨過澗
澗遂多魴與鯉結廬一向臨谿津溪明日映開青蘋四圍
集網如牆列漁家三五爲比鄰以我遠來累晨夕爲引烹
鮮話疇昔黃頭奴子手提網布網勢若干斤擲網沈波底
初無聲舉網忽聞潑刺鳴銀刀霜劍縱橫出水族奔駭波
濤驚須臾後網有牽動收來頗較前時重竭澤而漁安可
常爲命黃頭且多縱網外脫漏仍揚鬢網中倔強安能施
饗人操刀向碓几剝蔥屑薑鮮羹宜吁嗟好生天地德饗
養斯須亦何益君不聞旣飽歡娛蕭瑟同杜老當時爲歎
息

草堂春盡獨坐寡營偶檢東坡集見百步洪詩喜而

次其韻

嫣紅姹紫隨逝波春光一去如飛梭嗒然隱几亦何事強
將詩酒空消磨舍傍隙地將一畝亂石點綴差成坡別有
小池纔數武透泥出水浮新荷小僮汲綆煎茗熟沸騰鐺
內翻千渦方牀夢後起消渴滿啜有同鼠飲河昨者薰風
生薄暑已尋刀尺裁輕羅新栽花竹繞窗戶灌溉每思郭
橐駝藥欄薜砌多位置蟻封蚓徑殊委蛇籬邊一犬自眠
路梁間雙燕猶營窠物情意態俱可適興到覓句能幾何
書堂幽悄靜如水不聞鄰曲來呼呵

魏叔子過草堂旋卽言別次和原韻

聞到吳閫久相期匪浹旬病扶黃葉路秋老翠微人亂後

情多感宵分話更親如何劇回棹悵望出煙津

汪文柏字季青號柯庭桐鄉人官北城兵馬司正指揮

有柯庭餘習

朱竹垞曰柯庭除北城指揮千謫之奔忙判牘之繁
允而不廢吟詠解組歸來所作益工其過吳江盛澤
云夜鐙千匹練秋雨半湖菱匪僅開宋元窳窳直造
唐人之堂而濟其裁詩之絕唱正不在多沈歸愚
曰竹垞所稱不無溢美然謂時有佳句比於孟
山人之微雲淡河漢疏雨滴梧桐斯為得之
詩話季青菊影詩為姜西溟所賞時有汪菊影之目
所傳誦者如竟夜不移香不染晚年相對意相關數
武淡香分對榻一窗生意出
孤檠自是佳句惜全體未稱

翠微峰

肩輿望翠微縹緲如靈鷲雲端出一頭俯領眾峰秀緩步

從山腰身輕一筇瘦林巒曲折移青紫頻舒皺香多不辨

花韻細知鳴溜怪石脫雲胎傑閣依山構心清聖感僧晏

坐松林茂宮闕在東南
疏薈成絲繡壯哉九重深
宛轉千門透日麗遠煙消
氣澄新雨後可憐大道間
馬寸人如豆
杏子口
舟藏邱壑深岡掩林巒
集一徑杏花交探奇從此入
憩息得精藍坦步多原隰
紅雲深淺間隱見畸人笠
花迷紫燕飛果任白猿拾
榦老繡苔侵根潤芳泉溼
來瞻大醫王豈授董奉業
到此不知津徘徊空步履

過崇效寺訪雪塢上人

墟里綻寒煙平林扶秋霽
睽茲了心人苦吟爲活計
夙披霞上篇未覲心先契
漱茗粲周旋劇談忘久憩
泛覽大藏書深研百千偈
性海慕華嚴從師探密諦
藤葉颺輕幡黃花補金砌
屋角棗垂紅素令偏新麗
靜對茁清思啟軒延

遠睇復恐俗物來預戒禪關閉

刺梅園老松行

刺梅園中老松樹三載相思今始遇果然奇絕不虛譽起
伏猶龍令我懼長身宛蜒走當路猛爪攫拏如欲捕鱗甲
渾身不知數猙獠頭角作吞吐噓氣爲雲噴爲霧奮鬣直
往蒼穹訴誰敢攀髯觸其怒任彼登天復回顧山魃木客
安能附空中定有雷霆護慈仁虛名落詩賦欲補十景惟
君助蒲輪徵辟未必赴儻逢尊者無恐怖引杖降之歸鉢
去是龍是松辨其故具眼人看方不誤

北墅

停舟尋北墅緩步繞迴廊粉羽撩秋草醒風拾霽陽佛香
通小閣人影倒寒塘坦腹思幽榭苔花滿石牀

宿洪光寺

攜琴來絕壑脫網又披緇已悅聽鐘宿翻憐待漏時露晞
花氣集山峻旭光遲搔首臨清澗松陰染鬢絲

盛澤

矮屋環湫市濕流界疊塍夜鐙千匹練秋雨半湖菱擊榜
吳娃捷評珠賈客能辛勤終歲力猶未足催徵

登煙雨樓

十度憑欄九度晴今朝煙雨一舟橫雁飛難辨空中字鷓
過惟聞暗裏聲輒浪成花吹寺壁冷雲如墨滾軒楹舉觴
放眼吟長句始信高樓不負名

菊影

邱園高蹈識芳名入室忘形夜氣清數武淡香分對榻一

窗生意出孤檠多情彭澤詩偏少沒骨僧繇畫未成夢斷
枕屏留傲態缸花開盡月添明
篝鐙斜照粉牆間枝葉分明似可攀竟夜不移香不染晚
年相對意相關解衣潑墨臨偏反扣戶邀人數往還嫩蘂
釀成光色好更宜杯底見南山

李繩遠字斯年號樵嵐山人又號補黃村農嘉興人諸

生有尋壑外言

詩話斯年與弟武曾分虎同負文譽號三李斯年詩
沈酣六朝浸淫初盛唐纏綿激宕骨秀氣蒼五言律
尤雋拔晚耽禪學名所著詩
文爲外言所以別於內典也

出潯陽郭由東城陂入廬山

始離潯陽郭言向名山行透池陟泉坂潦越瞰江城匡廬
望猶遠四山已縱橫顧指心目豁披拂襟袖清巖長密林

五天肅高霞晴陽崖翠葉暗陰壑丹樹明絕石路始轉入
谷身已輕奔澗互流響棲禽挾鳴聲幽趣昔所愜放曠從
此生宿痾眞可捐俗累豈我攫誓當卜田舍將毋來玉京
游嶽挈禽慶勅家疑向平踟躕待婚嫁豈非兒女情

黃鶴樓望漢陽歌寄查三

客行秋江水黃州見黃花洞沿武昌岸山城嘒亂鴉伊昔
西征違故鄉遙登黃鶴悲路長我歸一年滯吳越值爾攜
家上漢陽此時相聞不相見江魚塞雁空懷羨天末誰題
錦字書桃花洞鎖沌陽縣縣外花飛催客還綠蘿芳草徧
江灣轉眼三春擢初發看君雙槳到家山與我相從卧邱
壑縱飲高吟恣行樂兩醉春陽懽宴多那知揮手仍離索
汝作新詞送我游堪嗟來去盡江流蒹葭彌岸淒淒思覽

舊重尋黃鶴樓樓邊回首風煙夕隔岸臺池迥千尺只有
晴川萬古深巴巫上下堪頭白渡口連船夾浦沙溷河迴
合漢河斜佳人雲端望不得會難別易愁天涯旅店客眠
殘月早長年一曲滄浪好杯酒難留夏口城片帆再渡巴
陵道巴陵岸倚洞庭波便入湘南弔汨羅懷沙鵬鳥空詞
賦滿目煙濤奈若何岳州樓館相思路落日蒼茫對雲樹
轉見岷江接漢江大別山頭憶君住君住君歸經幾年江
波連郭復連天輕鷗欲借東流楫一夜吹迴及汝前

蒙陰道中

細草黃沙路清泉白石村周遭羣嶺出搖落幾家存棗樹
春成巷梨花晝掩門誰邀驅馬客投館及黃昏

客夜有懷烏程吳右公明府董芑章參謀兩表兄

一送滇池草重行楚岸花故人俱遠宦遙夕倍思家沙暗
三秋雁河明八月槎天風洞庭葉蕭颯墜霜華

泊長沙

湖外沙晴昨夜星曉風吹斷榜人停城迴嶽麓峯前樹帆
下湘西渡口亭山氣北來橫紫翠江聲東轉瀉清泠荆南
十月煙花暮悵望寒雲起洞庭

寄縉雲蔣丹崖廣文

鄭虔游覽不如君蒼嶺元都興絕羣天際煙花來夕雨仙
家雞犬在春雲朱門高第今成市絳帳雙鬢盡解文吏隱
千秋思往蹟道書珍祕想難聞

武夷吟酬別彭爾仁入山

武夷之山周百里三十六峯雲外起九曲洞瀠水浸山洞

天雖眾應難比漢祀秦壇共杳冥昇真歷歷有仙靈珠裾
戲水澄空鏡玉袖迴峯轉畫屏吾聞錢鏗在初古堯封彭
城號彭祖茲山坐隱七百春次子錢夷長錢武以此山名
萬古尊彭城遺裔傳清門侯官彭郎好骨相此中疑是真
曾孫當年綵屋空梁宴笙管淒哀偶然戀世人不記幔亭
歌何由得與真仙見彭郎結交天下希武夷同好舊相依
高吟一曲河梁別往日歌師今是非邀余並訪真人闕可
憐歸客鳴榔發醉裏遙尋玉女花夢中解看天壺月信是
名才不可求天宮咫尺汝應留寒梅仙掌春堪折遠寄西
陵雪夜舟

李符原名符遠字分虎號耕客又號桃鄉嘉興人有香

草居集

詩話分虎詩才力不逮兩兄然其清空雋逸一氣奔
放亦非兩兄所能掩嘗游雲南登碧雞山遇道士謂
其前身是廬山種菜僧因作廬山行腳圖
期將終老焉後卒於閩中客次未遂其志

寄沈山子

自課童耕十畝田古橋村落結廬偏
鄰花過屋捎吟袖畚
水成溪活釣船屐響柴門詩弟子
壘開竹墅酒神仙繚絲
徑裏踟躕別惆悵西風又颯然

句容

雨黯孤城外遙峯翠靄沈馬疲愁日
晚雁少覺春深江葦
樵人擔山花汲婦簪茅山祠在眼
徒有茹芝心

滁州

南北譙形壯東西路勢連河流煙樹
外山繞郭門前過市
求風櫛逢人問釀泉空攜詩屐在
一宿又籠鞭

村居書懷

欲采梅花釀麴塵閉門日日醉青春中懷挾策偏違俗右
臂傭書不救貧解事園丁教種樹能言籠鳥報來賓買山
未定何山好村屋年年託此身

曹釗字靖遠豐潤人貢生有鶴龕集

翻書

閉門卻塵慮翻書覓韻題晚雲斜挂樹秋雨亂鳴溪得失
應無礙窮通未可齊竹雞何所慕恰恰向人唳

指月庵

地偏人蹟少屋對亂峯開月放千巖雪松喧萬壑雷誦經
馴虎至洗鉢豢龍來引興隨高衲長歌日幾回

霜華

明倫彙編 家範典 卷四十一
霜華歷歷下庭柯坐久幽窗暗薜蘿風雨慣能欺客枕煙
霞端不負漁蓑間情賦罷人思酒短札裁成雁渡河滿目
征塵何日息邯鄲道上塞雲多

曹鈞字賓及號瘦庵豐潤人貢生官內閣中書有瘦庵
集

舟中

晴日動林皋漁人蕩輕艣扁舟隨意放巖花齊欲吐村疏
煙火稀山深樹石古遠望列羣峯一一青可數

漁陽道中

平原空悵望故國已荒邱獵犬穿林出灘聲抱石流月明
燕嶺暮霜結薊門秋尙欲停車問悲笳動戍樓

歸懷

指顧平原憶舊游偶然乘興一登樓
蕭疏短鬢三年夢寂寞長江萬古愁
看世擬逢青眼客移封願得醉鄉侯
西風蕭颯吹黃葉搖落寒林樹樹秋

再游黃山

三入黃山今又來諸峯偏向故人開
林深夏帶高秋氣瀑瀉晴喧巨壑雷
煙雨半沈春藥井雲霞全護鍊丹臺
莫言竟日無多路選步應知爲惜苔

水自回環徑自分看山豈惜往來勤
煙鬟黯淡將梳雨石齒峻嶒欲齧雲
曲邃若非親閱歷幽竒端不付傳聞
峯峯千仞堆寒玉初闢何人運斧斤

曹鎰字冲谷豐潤人官理藩院知事有雪窗詩集

雨中對瀑復觀龍潭水漲

驟雨劃然至煙霧失長空千峯蕩微影飛瀑垂玲瓏深潭
忽怒沸疑是蛟龍宮響聲振林樾雪浪生寒風躡足心欲
動舉首搖雙瞳下觸石骨碎上與銀河通誰爲開鑿力吾
將問洪濛

伏日同伯兄眉庵松茨消暑

何處攜尊酒東皋舊草堂雨殘沙路細風軟藥苗香巢燕
非時出山蜂底事忙老親憐弱稚歡喜故相將

入山曉行

竹輿隨徑轉蘿薜挂煙霄石險偏橫樹溪回屢渡橋霧收
方見日雲聚卽成潮瀟灑紅塵外青山認寂寥

入紫翠林

人多穿洞出路狹礙枯藤怪石如迎客山猿不避僧疏林

飛瀑落絕壑亂雲蒸素有登臨興梯霞上百層

坐響雪亭

山湧濤千尺晴堆雪一溪雨隨雲去住煙接樹高低路盡
疑天逼峯尊與日齊掃苔聊獨憩摩壁好留題

登文殊院

嗟呀開綫路杖履莫辭難嵐氣千巖雨山風六月寒石敲
防客過松古學龍蟠縱日遐荒外方知天地寬
曹鈐字孝符號嗇庵豐潤人貢生候選訓導

游披霞山

落日紅雲帶鳥飛重來登眺坐松扉秋林寒渚千村晚山
寺無人月送歸

馬敬思字一公桐城人諸生有虎岑集

詩話一公爲正誼長子承過庭之訓致力於詩五律
風格雅近晚唐七律清和宛轉無雕琢之跡古體不
多見然亦非其所長也

題陳隱士山居

羨爾深山靜連宵不掩扉秋潭鶴影瘦霜草鹿胎肥歲酒
先儲甕園絲半在機此中多隱者相識姓名稀

祝山如席上同錢飲光先生夜話

熟讀離騷夜雨殘牀頭周易共盤桓鵠從蜀破猶稱帝松
自秦亡嬾署官盍冷瞿曇歸後託詩工摩詰晚年看草堂
幽處梅花發偏與人間鬪歲寒

野衲雲山隱自招高僧列傳黨人謠書中甲子題三徑袖
裏春秋紀六朝路覓西來傳梵鐸禪安東渡挂詩瓢心灰
久已同枯井不逐風波似沙潮

得方爾止先生書

三載移家桃葉春
釣船煙雨芰荷身
他鄉白髮驚新長
故國青山似舊貧
座上曾逢周鐵虎
車前猶泣漢銅人
南朝多少尊官冢
冷落高低卧石麟

宿僧房卽事

老僧留我西窗宿
夜劈松薪煮新竹
起來雲薄曉山青
幾處疏煙出茅屋

懷爾升師

先生真隱逸家室未居城
世說卿慚長人稱姓不名
燕巢茅屋暝鶴啄芡湖清魚
又今年好方舟盪槩行

宜城卽事

宜城三萬戶十載半凋零
畫閣移蔬圃朱門換荻屏
煙波

當晚碧汀草出寒青獨上江亭望漁燈亂客星

馬孝思字永公號玉峯桐城人諸生有覆瓿集屏山詩

草

詩話正韻有子六人皆工為詩賴古居詩話謂屏山詩草源出香山在先輩中與龔山最近蓋翁壻論詩甚相契合也集中有手錄香山集一詩此其平生嗜好在心追手摹頗能得其形似而才力薄弱不免流入平

易一派

龍眠山

龍眠宜是逃名地憶昔公麟隱此閒儘有壺觴追北海不貪仕宦借南山桃梅逐路爭開落麋鹿親人共往還春色定知游客徧風塵憐我滯江關

游龍眠

少保幽棲處谿邊曲徑開澗茶留客坐蔬飯待僧來引水

窮泉脈當山壘月臺階前松柏古猶望後人培

贈田琢如

四郊雞犬是秦餘
淳朴還推水竹居
地僻肯從游子徑
荒先命野人鋤
瓶封菊蕊冬藏酒
饌入谿頭早市魚
天半逢君能愛客
不妨高枕當吾廬

馬方思字江公桐城人有寒檜軒集

讀史

青鳥西飛漢集靈
柏梁臺是望仙亭
空勞海上求方士
笑殺金門一歲星

贈醫者

小隱山中采藥行
向平五嶽未忘情
此生不入長安市
女子何從問姓名

寄張山人

伊人高卧白雲阿衣製芙蓉帶女蘿老去自傷別鵲操貧
來嬾逐飯牛歌秋前黃髮同衰葉雨後青山守爛柯試問
鹿門龐隱士何如采藥市中過

答王吉人

小隱無由問起居仲春始得故人書暫歸白社開新徑久
羨青山葺舊廬芝草欲成黃綺志桃花不禁武陵漁相期
過從清秋後詞賦奚煩問子虛

馬國志字勳公桐城人有懷亭集存

懷舍弟執公山中

送君山中居憶君山下路此夕獨徘徊涼風起煙樹

南郊飲陳氏精舍

水田十畝山人宅茅屋三間處士家留客共餐籬下筍呼
兒頻煮雨前茶綠搖荷蓋添新漲紅掩柴門帶晚霞自識
南塘村外路莫嫌乘興就黃花

曉發寄姚彥昭

酒酣月初墮夢回天欲曙解纜及秋晴挂帆向江路攬衣
起徬徨已失維舟處潺潺胥浦流靄靄吳門樹舉目得清
曠無言自來去獨有索居情空水隔煙霧

宿白雲庵

不覺看山倦招提遠近探偶尋黃葉路忽到白雲庵拄杖
倚寒石臨風對暮嵐鋪牀置羹飯竟夕老僧談

曹爚字舒光號冷民晚號清風居士金山人有鈍留齋

集

集次典壽香亭對菊限韻

雅會雜山農風流羨仲容秋光成五色寒影見千重日晚
開高閣村深聞遠鐘杖頭吾未辦率爾一相從

曹煊字天生號崙山婁縣籍金山人諸生有釣灘詩草

郊居

曠野風塵隔柴扉晝不開荷香浮碧水竹影漾蒼苔徑有
漁樵至門無車馬來悠然情自得鷗鷺與徘徊

張道源字雲溪銅山人官江西鹽驛道有玉燕堂集

佛手柑

金色曾傳授記年好從清苦味真詮如何有手多相似不
及天龍一指禪

張道深字竹坡銅山人有十一草

虎阜遣興

四月江南曬麥天日長無事莫高眠好將詩思消愁思省

卻山塘買醉錢

千秋霸氣已沈浮銀虎何年卧此邱憑弔有時心耳熱雲
根撥土覓吳鉤

盛鏡字于民武甯人有寄軒詩鈔

春日

春日天氣佳好鳥林外鳴卽事都無慮幽居心自清日入
農務靜披衣步前楹野老來相過有酒時一傾遂此生前
樂無爲身後名

盛大謨字于野武甯人有字雲巢詩鈔

詩話于野與弟于民水賓以詩文相鏃厲兄弟間互
爲師友一篇出掇摘不少恕皆以堅偉險怪爲尙論

者謂可與甯
都三魏並稱

龍潭石

十月風煙盡寒潭清我神淋漓蝌蚪字剝落核桃皴日月
勞賓主溪山遞故新漁歌方欸乃萬石自嶙峋

盛樂字水賓武甯人有劍山詩鈔

宿驛南

停驂問古驛山色入樵歌惟有客愁遠不堪秋雁過大低
雲氣老野闊北風多此去柴桑近東籬今若何

上韓侯釣臺以詩投淮水弔之

平臺風散晚煙痕往事悲涼落日昏意氣已隨飛鳥盡功
名但有釣魚存漢家草草夷人族淮水汙汙蕩古魂浪跡
若非逢漂母今來何處弔王孫

曹爾垣字彥師號中郎嘉善人諸生

送林武宣之楚

金風秋氣肅霜林翳遠道游子辭故鄉登途展遐眺寒煙
橫蒼莽積翠迷深窅揚帆千里去雲山一何杳江聲日夜
聞清猿傷客抱抑鬱念伊人抗情寄物表俯仰今昔間爰
披江蘼草相思秋水清相見春風杪同心蕙與蘭兩地參
與昂側身雲夢澤離懷空繚繞申章託繾綣意氣良自寶
曹爾垓字錫九嘉善人有石竹山房橐

己酉九日墨林小集

杖策將登高高岡隔煙霧風急塞雁哀驟雨當窗度邀賓
水上亭披襟探毫素圖成山吐雲繪出花垂露良辰足歡
娛肯爲窮愁誤作賦臨清流銜杯對高樹紅葉影蒼茫黃

菊悲遲暮捲簾夜色昏水田下白鷺未盡茱萸觴客迷東
郭路舟子遙相招濯錦江頭渡

許墅關曉行

吳關迷曙色已挂一帆風淡月臨清靄平波映碧空雞鳴
茅屋裏人語畫船中極目長天望朝雲繞樹紅

曹爾埏字彥博號博庵江南華亭籍金山人諸生有嶺
雲集道邇堂集

蘇門訪孫夏峯先生不值

大雅久沈淪老成俱寂寞當代仰哲人此地宗伊洛弱冠
揚駿聲幽奧窮墳索文藻麗班揚風流邁李郭德輝固冲
融高懷復磅礴素履難具陳古人恨不作歲晚慕隱淪散
髮卧邱壑變化歎猶龍騰鶩迅孤鶴詎意勳華時未遂穎

箕樂遠謝蘇門隈燕薊暫棲泊山水失主人孤雲將焉託
遙望子雲亭松花自開落

曹爾埴字彥範一字季子號範庵江南華亭籍金山人
貢生官桃源教諭有綠野春深堂類橐

魏卜臣曰彥範詩如
小棹平川風日流麗

折楊柳

去年折楊柳還與君同陌今年折楊柳關山千里隔思君
不可見攀條長歎息遙遙玉笛吹總是傷行役

毘陵道中

兩岸暮潮平風帆一葉輕人煙隨日暝漁火傍沙明纖月
流高樹悲笳接廢營鄉關情更切回首望孤城
冒與晉字晉卿號暘谷如皋人諸生有蜉蝣集

烏衣巷

門掩斜陽戶網塵烏衣巷改尚逡巡舊時燕子飛還到莫向堂前認主人

冒嘉穗字穀梁號珠山如皋人諸生考授主簿有寒碧

堂集

上巳修禊水繪庵分賦

和風蕩林樾霽色搖春岑入門灑飛泉映水唳幽禽花竹日淡沲煙景何清深節序一以佳矧邁瑤華音握蘭正婉婉折柳嗟侵尋且漱溪邊石一聽印中琴

冒丹書字青若號卯君如皋人諸生考授州同有枕煙

堂集

詩話青若為巢民幼子與兄穀梁並能文章有聯珠雙壁之目嘗有宵人欲刺巢民青若正侍側急以身

蘇受四創幾殆李
艾山爲賦詩紀之

贈柳敬亭并題左甯南軍中說劍圖

玉帳登壇夜論兵將軍出塞氣縱橫可憐多少銜恩客寫
向丹青只柳生

同其年看池荷

幾折沿隄路相攜坐此中天連千頃碧花漲一池紅欲去
已將沒看來意不窮江南有愁客對此憶吳宮

冒車書字富五號硯癖如皋人

秋興

幾縷秋煙一抹霞空階涼雨似山家常憂來日不相得詎
是我生真有涯徑繞林皋封落葉宅連雉堞亂歸鴉候蟲
也似知遲暮鳴過牆陰編豆花

吟山敷葉且留餘猶記成童佩鞮初王謝弟兄過絡繹崔

盧兒女笑軒渠蓼花水齧中丞墓柿葉聲寒開府墟先中丞撫

秦軍後家於海陵遂葬焉吏部遺書亦寥落先吏部藏書存什一於千百而已我姑飽

食到華胥

言漢書字七巒號小山如皋人

春日病起

久病卧茅屋階前芳草生客多相惜意鳥作可憐聲柳意

遲新雨花心動曉晴江鄉煙景好三載總關情

言禹書字玉簡如皋人諸生候選訓導有倩石居遺草

秋來

忽忽年華傷暮遲秋來懷抱最相宜感時實下江州淚觸

目空多宋玉悲蕭瑟荒庭鳴蟋蟀蒼茫遠水下鷓鴣寥寥

天地吾何託幾度臨風有所思

冒殷書字文足號借廬如皋人諸生有黎雨堂集春浮

集何文居集萬卷樓初二集

詩話王簡文足箕疇皆鑄錯老人子與巢民二子可稱競爽文足時已中落有句云姑遲一食當再食更壞何衣補此衣可謂一寒至此矣

己卯上巳過顧大念哉

比來纔覺負年華馬齒驚心暗暗加百舌盡情唬上巳東風著力落桃花管絃不結文人社詩酒聊尋處士家窮日追歡還卜夜嚴城何必鼓頻搥

冒福書字箕疇如皋人諸生有桐蕉書屋集躋齋紀年

詩

溇陽得文足家兄書賦答

相思誰似弟兄真書到潯陽滯四旬
 楓葉雨寒前浦雁蘆花風老隔江
 蓴遙傳築墅名丁卯近說編詩首
 戊辰入夜尚能斗酒否好緣雙鯉問
 精神

風昔以善... 批來... 大... 人... 是... 首... 珠... 忽... 忽...

晚晴詩匯卷四十終

晚晴籀詩匯卷四十一目錄

彭孫適 十四首

倪燦 一首

張烈 一首

汪霏 二首

喬萊 三首

王頊齡 六首

李因篤 四十一首

秦松齡 十九首

周清原 二首

徐嘉炎 四首

陸萊 八首

馮勛 一首

錢中諧 一首

汪楫 十四首

袁佑 二十七首

湯斌 四首

邱象隨 五首

五言古詩五首

五言律詩二十一首

五言排律一首

五言絕句一首

五言雜詩一首

五言雜詩十一首

五言雜詩一首

五言雜詩一首

五言雜詩一首

五言雜詩四十一首

晚晴簃詩匯卷四十一

徐世昌

彭孫適字駿孫號羨門海鹽人順治己亥進士康熙己未召試博學鴻詞第一授編修官至吏部侍郎有松

桂堂集

尤西堂曰羨門瀛臺賜宴詩七言一百韻盛矣麗矣使人茫乎望洋向若而歎然細尋之敘次周浹首節自然所謂人巧極天工錯者雖使楊馬復生猶當退避三舍何況餘子王漁洋曰南昌重建滕王閣落成名流競為賦詩推彭少宰羨門擅場余喜諷誦之謂劉文房郎君曹無以過也又題湖口句曰湖光盡日依樓堞山色終朝滿縣城亦足寫照沈歸愚曰羨門詩詞氣和平在唐人中最最近大厯十子在十子中最最近

文房

詩話羨門幼慧七歲詠鳳號神童既成進士為推官罷歸已未大科名第一集中有寄內詩云小疊紅箋寄語頻橫雲初破遠山顰玉宸昨夜親承詔夫壻承恩第一人可見一時聲譽之盛晚年歸里嘗與子姪

九日登高賦詩得句云平生幾兩游山屐更不登臨
奈老何觀者訝其衰颯不久謝世早年詩有南淮集
才氣尤盛倚聲時推獨步漁洋稱其
吹氣如蘭每當十郎輒自愧滄父

松下遣懷

秋意日寥廓暝色散微雨高風天外來吹我孤松樹翻然
落空翠澹與雲陰互杳冥寒濤生微聞滴香露幽人巖石
間抱此物外慕庶幾歲寒心聊以保遲暮

雨中過白芒村寄高山人

儼

春陰生驟寒谿上無人蹟石筍清相羅翠煙紛可摘欲持
三尺絹寫此春山碧卻憶山中人遠在龍池宅惆悵不同
游白芒風雨夕

野田行

荒城日落生愁霧白骨青燐亂無數山河興廢多戰場宿

草淒涼泣狐兔悲風瑟瑟起白楊牛羊成羣上古墓人生
諒無百歲壽焉知生樂與死苦朱門華屋未解憂請君試
出野田路

越谿行

越來谿公莫渡行人隔水呼喚頻舟子掉頭不肯顧波平
如掌帆不前碧湖澄靜生寒煙縣官封船供應急經今一
月還復然公家用物有定數民間那得知其故日日官船
進女城依然船數不加盈昨聞大師至已泊南濠隈太守
親自出平明騎馬來官來猶自可兵來烈如火弓刀裝小
舸人馬乘大舸越來谿公莫渡捉船未已還捉人勸君漫
出城西路

陳白沙草書歌

白沙先生名早聞手擲青山歸白雲陳情上擬李合伯講
書欲方吳聘君晚年信手作大字落筆縱橫有奇致何必
規規王右軍淋漓時復成高奇世人好古如好龍可憐識
見多雷同豈知草聖固餘技相賞不在翰墨中

西洋琥珀酒船歌

海外良工擅奇思酒船制作窮珍異滑稽足傲鴟夷形淋
漓可使漉于醉宛轉玲瓏二尺長鏤金錯采巧莫當文珠
作窗玳瑁屋白銀爲篷珊瑚檣酌酒五升帆半起峽船始
發春江裏引壺注滿飽欲張蓬蓬已可行千里長年三老
毛髮動鬚眉颯颯笑相視綺疏啟處中有人皎若芙蓉照
秋水須臾酒竭帆亦收回看堂上惟虛舟機緘動止那可
測見者疑同神鬼游此器徒聞出西域估客新從舶中得

由來奇巧汨人心不脛還能走中國對之三歎謝賈胡匏
尊一酌足自娛居奇漫直十家產適用豈若干金壺投珠
抵璧當代事雕鏤無益何爲乎

張都尉畫馬歌

汗血不出世但聞西極來披圖忽見渥洼產籊雲逐電相
縈迴立者驤首欲一鳴障泥未解猶徘徊走者勢如風雨
至馳驟百里無纖埃其餘數匹飲或齧六一神駿非凡材
問誰擅此化工技逸足天閑妙無比只今都尉最得名不
讓當年韓與李都尉生平本將家前朝曾領上輕車身親
百戰竟何益白頭歸種東陵瓜早歲壯懷時吐露伏櫪雄
心見豪素平沙漠漠落日黃馬首猶然蓄餘怒嗚呼黃金
之臺高突兀冀北之良恣超忽龍媒當世豈合無昭王已

往九方沒惟看阪上服鹽車誰向圖中求駿骨
小良維揚客舍送雲客兄北上予時亦有南越之行黃金
湖水平隄炎雨歇風吹楊柳櫂歌發居人情重遠相送君
向長安我游越鼓棹中流自此行方舟並渡江浪平驛鐘
夜泊雲陽郭戍火朝明鐵甕城廣陵到日停舟處南北迢
遙各異路代馬還嘶塞北煙越禽自託天南樹只今已見
鯨鯢戮薄海銷兵佩黃犢時清豈合樂邱園親老還須營
斗祿日下翱翔多故人紛紛先據要路津致身遲速各有
會莫以外吏傷沈淪酌君卮酒君努力前路悠悠漫成憶
庾勝山頭少雁飛燕昭臺上空秋色驪駒催發不可留後
會須經春復秋兄弟相思五千里江湖此去一孤舟

望西山

人心不測豈論去中固性之三

太行千里脈疊嶂擁關門一雁分秋色雙雕落曉痕迴峯
沈日影飛瀑洗雲根望望空歸去幽奇好細論

當湖道中

夕眺高樓上林暉竟日清獨山秋戍冷三泖暮潮生漁火
中流見鷗波永夜明蘭橈須小住煙月正多情

白溝渡

渡頭沙草白離離過客停驂日暮時古戍煙荒吹野火寒
鴉風急戰枯枝河流遠合滹沱水驛路中分督亢陂欲問
霸圖銷歇盡朔雲千里不勝悲

望岱

玉簡金泥隱祕文至今佳氣積氤氳中天盤礴崇朝雨千
里輪囷大澤雲欲叩山靈探漢策遙披香霧禮元君時清

會有云亭典封禪遺編若箇聞

景州

城上風高白颭沙行人徙倚聽悲笳北連紫塞三千里南
接青齊十萬家暝色一行迷去騎寒天數點沒殘鴉年來
隨計燕山道幾度經過感歲華

秋日登滕王閣

客路逢秋思易傷江天煙景正蒼涼依然極浦生秋水終
古寒潮送夕陽高士幾回亭草綠梅仙一去嶺雲黃臨風
不見南來雁書札何由達豫章

倪燦字闇公江甯人康熙己未召試博學鴻詞授檢討

詩話闇公晚達初中副車歷廿七年始獲鄉舉尋舉
鴻博授館職當時同舉五十人修明史升擢遷謫相
繼始終其事者寥寥晨星闇公在館凡九年為最久
勤於編輯工書法常被詔作行草大書及小楷皆稱

旨其詩傳
者不多

送喬文和之劍州

渝峽遠通涪萬水嘉陵險接閬中山分符刺史初行部舊
語參軍正解蠻槿布芋田徵稅薄青松白鶴訟庭閒他年
更奏殊方績應在文翁伯仲間

張烈字武承號莊持大興籍東陽人康熙庚戌進士官
恩平知縣遷內閣中書己未召試博學鴻詞授編修
歷官贊善

自恩平還東陽途中作

嶺南解組一帆孤百粵山川入畫圖斫鱸盤堆沿路好持
螯興發此間無吟詩路近滕王閣看月舟停彭蠡湖貧宦
歸來書滿篋擬將詞賦走皇都

汪霽字朝采錢塘人康熙丙辰進士官行人己未召試

博學鴻詞授編修官至戶部侍郎

喜王露潛至自三峯

經時三徑為誰開乾鵲聲中屐齒來久客奚囊多舊句貧
家尊酒只新醅不妨小住為佳爾相顧狂歌亦壯哉晚節
最諸泉石味雲林深處好追陪
曾向南天把酒卮飛揚意氣更誰知千秋燕市悲歌侶一
卷松陵唱和詩海荔乍殘人散後江楓初老雁來時釣龍
臺上還山約及此幽尋也未遲

喬萊字子靜號石林寶應人康熙丁未進士己未召試

博學鴻詞授編修歷官侍讀有使粵集

詩話石林爭開濬海口新河竟寢其議為時所稱因
之遭忌罷歸尋又召居京師亦因蜚語也詩有雄直

氣篇什甚富而自沈歸愚時已以
不見全集爲憾今則流傳愈罕矣

過應山弔楊忠烈公

嗚呼有明神宗之季國脆艱光宗繼之更短折維時先生
官給事顧命乃與大臣列防微肩鉅定大計選侍移宮一
朝決再起中丞赴雙闕大柄已被闖人竊乾兒義孫滿廟
廊二十四罪憤所切赤縣爭高宦者祠彤庭徧染中丞血
詎有焚賊楊大洪舍人甯死心如鐵或言漢之廚顧潔其
名唐之牛李營其穴宋之洛蜀明東林黨禍紛紛蹈覆轍
封疆已被門戶誤遂譏先生太激烈我謂此言殊不然藉
口保身附明哲假使當年稍媵嬰張禹孔光更何別君子
豈能誤國家目爲黨人正氣絕嗚呼正氣絕國乃滅

下灘

湘南三月湘水生馳波跳沫空江鳴砢研亂石互江面險
如瞿塘濫瀕誰能櫻我聞就下水之性豈樂與石相排爭
清流何爲輒暴怒鼎沸勢欲蒼厓傾其如灘石太嶮巖橫
排曲扼眞難平芭竿之船薄如紙左旋右折中流行柁師
自許識趨避到此亦覺心魂驚十里五里在俄頃回頭不
見丹峯橫一灘纔過一灘至到耳總作奔雷聲縱然賦命
果窮薄毋乃太視波瀾輕

湘口

雁叫猿嘯不可聞零陵風雨正紛紛三巖明滅瀟湘合三
水滌洞楚粵分縱目好看靈嶽樹落帆猶帶隱山雲探幽
更向愚溪去野性偏宜鷗鷺羣

王頊齡字顓士一字容士號瑁湖晚號松喬老人江南

華亭人康熙丙辰進士官太常寺博士己未召試博

學鴻詞授編修官至武英殿大學士雍正癸卯重宴

鹿鳴加太子太傅贈太傅諡文恭有世恩堂詩集

詩話文恭弱冠卽負詩名其父農山侍御弟薛澱儼齋一門之內人各有集世豔稱之所爲詩規樞三唐不踰尺寸謹守法度中仍以閱博勝侍從經筵垂三十年故集中多感遇紀恩之作耄歲乞休賜詩跡與松喬合心緣啟沃留因自號松喬老人

九日登查山

仙山突兀海雲涼
令節登臨石徑荒
雙屐健尋瑤洞草
百年歡對菊花觴
金隄乍築蛟龍偃
玉笛橫吹鴻雁翔
更喜樓船休戰伐
漸看稻蟹足江鄉

送田遜菴少宗伯冊封靖藩使竣還朝

朱邸開南服丹書下帝閭
周屏崇呂伋漢柱重田郎冊授

容臺長符分異姓王皇華今攬轡藜杖舊騰芒天祿尊劉
向儀曹得李剛雙鋒辭北闕八座出南荒鼇岫楓初暗螺
江水正長風陰蕉葉嫩雨熱荔支香鳥道通冠蓋蠻方識
袞裳授圭瞻虎節負弩拜龍章客對梁園月醴陳楚國觴
名藩叨雨露使節凜冰霜去擁相如傳歸輕陸賈裝吳山
堪歷覽越水暫徜徉孔李通門舊荀陳德曜光旌麾欣左
顧雞黍愧方將遠近驚星使殷勤話草堂山川歸太史風
俗紀江鄉去鷁秋濤迴迴轅阜蓋張三台原北極照耀紫
微傍

寶珠洞

濟勝芒鞋健窮幽古洞探奇松穿石罅絕壁插精藍鐘鼓
諸天靜風雲半嶺含蕭然塵世外應愧此瞿曇

閒坐

小窗閒坐幾多時，裊裊東風上鬢絲。
閉戶且爲無事飲，看花亦算有情癡。
世交翻覆同雲雨，朝局輸贏似奕棋。
喜得先生春睡美，曉鐘雖打不曾知。

初秋遣興

邸舍幽偏亦我廬，綠葵紅蓼足圍蔬。
門稀賓客新聞少，性懶衣裳造請疎。
避事莫如千日醉，破閒但有一牀書。
三年羈旅思歸切，盡道山中不易居。

西窗

門冷無殘客，官閒似散人。
擬將詩送老，兼賴酒消春。
雨潤桃花嫩，風搖蕙草新。
猶愁雞肋絆，未得採江蓴。

李因篤字天生，一字子德，富平籍。洪洞人。康熙己未召。

試博學鴻詞授檢討有受祺堂集

潘次耕曰天生關中豪傑人也自負經世之略無所
試一吐之於詩原本風騷出入古歌謠樂府而以少
陵為宗意象蒼莽才力雄贍既與冥合章法句法講
之尤精又慨世不乏才人爭能鬪巧日趨衰頹故甯
拙毋纖甯樸毋豔甯厚毋漓乍讀之不甚可喜沈吟
咀味意思深長王漁洋曰天生年三十棄諸生博
學強記十三經注疏尤極貫穿長律得少陵家法嘗
以四十韻贈曹秋岳曹歎曰數百年無此作矣又有
句云林谷關音
本乾坤老象才
詩話天生應徵出於敦迫授官後陳情乞養疏詞悱
惻世比之李令伯詩宗少陵於明代獨推二李有句
云滄溟表齊幟北地本秦風絕構皆千古雄才有二
公雪嵐嘗抱日金翻久摩空薄晒看流輩江河逐漸
東具見淵源所自其胎息深厚本於樸學非馳騁才
華者比五七言近體純用杜法得其神理不僅襲其
皮毛長律贈曹秋岳一篇為漁洋所推餘亦多傑作
詩集原缺第四卷未刊別裁集所載邊上一首當即
中也

答孫隱君

大路迴且長崑崙杳殊域重華不可作帝望何由塞世變
紛相乘民勞日以亟積霖生塗潦眞宰久曠職饑溺如當
平敢云一士力其咨呼仁人孰是益與稷邈彼孫登游高
蹤眾莫識蒼蠅聞鳳噦大笑乃滋惑流俗好危言細儒工
外飾遵時在明哲抱道惟守嘿芝草歌漢恩蕨薇荷周德
贈予惟此語三歎奉嘉則

題世胄都指揮使崔公汝明象

高皇養士三百秋衛帥食恩等通侯銘鐘書帛列上第玉
案金罇羅羣羞一朝河上度櫓氛虎嘯嶠函不可聞赤幟
無色鼓聲死嬰城惟有崔將軍將軍開國世家子輕裘緩
帶談經史吹篪時過大司農

謂公兄抑菴尙書

北斗西豪俱在此

昭陽之冬月無陽野鬪豺虎色元黃決背不知有鋒刃疾

呼白日生冰霜臣矢已窮力戰久側身誓天不相負已拌
先濺侍中血甯料如生元帥首紛紛侍衛盡同朝今何裨
萎昔何驕朝行出攻暮不返歲寒松柏乃後凋後來傳疑
未傳信壺祠蠟墓無人問長留遺像天地間勇者成仁懦
者奮

過前中尉子斗先生舊第有感

碧瓦堂還在金閨籍已更萋萋秋草合慘慘暮霜明一老
悲劉向三閭弔屈平城南尋別墅轉託舊坊名

紀別

置酒歲云暮北堂生遠暉數鳥相與鳴寒風厲重闌慈母
就持箸欲言先歔欷出門尙無程問我何時歸遙遙計往
路歷歷詢征衣雨雪勤自保音書莫來稀長跪聞母言敢

不敏庶幾行役亦不遠歲時甯久違病妻扶下牀相視首
蓬飛謂我當引邁有淚不敢揮

弟從母側來再拜投一竿征駒鳴前庭擔負已出野僕夫
前致辭冉冉西日下要當慷慨去不覺淚如瀉兄言勤門
戶弟言慎車馬

小子復牽衣歧路含百慮不知行何方強欲偕我御念當
遠乖離那忍揮之去悲哉游子吟斯須哀樂具中懷如懸
旌搖搖不得住依依天屬親撫事愧童孺

永明奇后閣謁九蓮觀音爲神宗母孝定李太后恭

製長歌

太行西北山北來中有凌空之高臺月挂蒼巖龍虎嘯雲
生赤磧風雷哀千松萬松立窈窕十步五步行徘徊縱目

清涼在霄漢，摳衣靈鷲逼。蓬萊鷲嶺後，閣屹如峰九。蓮閣中瞻聖容莊，嚴具足得未有草莽。何知爭爲恭，炎山忽飄孤嶼雪。靜夜時落翠微鐘，秋色蒼茫弔餘址。夕陽明滅懷故封，神宗垂拱五十載。太后齋居多光彩，內啟祠嘗恩不遺。旁搜象教力，仍逮五臺禪。龕近京輔兩宮敕，賜兼鼎鼐時。移物換凋碧，梧篆冷灰飛。逐滄海出門，惟睹白雪飛。澗水松風聽不違，攀弓抱劍悲相向。鶴駕鸞旂久未歸，此剎翻同靈光在。他年彷彿魂魄依，君不見畫壁金鋪光照眼。貝花隱隱發靈機。

秋興

使節臨東路，軍糈及兩關。江湖輸輓闊，部領度支閒。水長飛狐口，峯高落雁灣。壯游違舉步，秋氣苦催顏。

鎮朔城爲驛傳郵吏攝防兩河衝市暗羣草漫山黃犢挂
新耕壘鶯嘯古戰場抱關遭所識曾與賦東光
復戶人誰是開荒野自如中原無竄草太府出新書帳聚
羣羌合煙移比屋疎每懷寬大詔重睹塞垣初
地下高田晚谿明暗水饒羽書時有至雷電日難調廣武
懸軍薄居庸遞馬遙客居逢歲儉林壑畏風飈

重憩雁門關

霓旌天半護烽臺鳥道雲迷望或開水擁南河吹日轉門
迎北斗過關來秦城萬仞徒空說漢騎千羣莫漫猜自昔
禁中煩拊髀將軍尤亟守邊才

遙嶺哀笳走塞陰磧亭搔首一沾襟羽書迢遞傳西北營
壘淒涼閱古今煙繞游絲春色澹樹連飛翠夕陽深椎牛

射虎懷前史野廟殘碑入故林

得澄一書

春渚曾先雁北征旅途歸翼早長鳴書來塞上逢霜信客
在天涯對月明長俟河清憐趙壹漫嗟蘭馥怨張衡飛飛
預說來時道雪壓關山十日程

寄懷楊太舅白石先生

開元以降南雅墜五百餘年北地興步曹躡劉自跌蕩凌
鮑躒謝何峻嶒此時風氣首關內河岳翕然同向背壯藻
許西嘗競發新聲鄂杜共酬對三子共擅宏德名五星重
瞻井鬼會最憐胎簪稱俊逸猶嘉昌穀絕倫輩後來宮商
頻動容天下傾耳待黃鐘援古特立漢京幟縱談曾標騷
賦宗厯下初難離阡陌瑯琊晚亦夾元白哀思一變爲楚

聲秀令千秋墮唐格遂有光祿起經學同時孝廉推詞伯
野卧徵綸久寂寥公車老死空烜赫未見侯芭前卒業稀
聞羊陟過相索先生游處兩公間迴若片雲秋在山興至
不羈紅塵色吟成實助白雪顏遐寄曠攬慎攸託杜陵崆
峒非杳廓郡乘已舒五馬驂私田翻較諸生薄鮑叔仗義
多賙給陶公辭榮竟一壑傾家結客乃徒然閉戶攤書聊
足樂予溯淵源遵自出半生零落不具述惟桑與梓每繫
懷澗曲雲亭增洄潏咫尺東里尙書莊張公嶙峋南川太
宰坊孫恭介公侍御直聲追賈董楊忠介公中丞古調逼盧王李公
從遭兵戈盡散佚况復行役愁蒼茫恆嗟人倫違有道竊
幸戚黨及中郎世儒舉細遺者洪苛議悠悠挂英雄羣兒
疇昔輕韓信刮目誰今識呂蒙丈夫不早封萬戶華髮可

明詩言歸卷四十一
憐敝章句鼓笳屢沸屬國煙丁壯宿沈江湖霧舉帆遲擊
祖生楫眞誥且傳宏景注比歲太白晝垂鉞中宵櫓槍占
失度行窮桃棘敝蟋蟀坐感蒹葭繁霜露夢裏猶嬉俎豆
家征途暫委諸侯路恭爲所親歌大耋努力加餐慰遲暮
寄朱學士滄起先生

宗邦懷舊德蟋蟀久悠然一老祝融裔千春姑射仙人
才推正始物望待承邊試問甘蔬食禪栖四十年

程義士嬰墓

國士蒸嘗闊孤墳意外逢碧生沿郭樹寒徹下方鐘谷勢
包甯武河流撼秀容郡人疏掌記遺恨滿西峰

藉地愁無似憑高淚不窮古渠移數壑新雨落雙虹故國
浮雲外中原蔓草中亂餘憶黃綺流汗浹臣躬

良鄉

王畿千里餘赤縣首三輔佳氣來閭闔去天如韋杜古時
封內地多以蕃同譜凡溫及應韓歷歷皆可數朔風日暮
急慘淡過戎伍二南有遺澤流恨兼今古附海無細波附
岳無卑帖所以封泰山嘗先禪梁父約略計斯城初不下
萬戶胡爲兵戈中築堞失完土還聞東土人據地列田圃
白云託國家一一皆肺腑大兄侍中郎中兄司鹵簿季子
未拜恩鮮衣纏華組安坐召縣官促裝揖州府還家自生
光道上人如堵兼金舊絡馬百寶新裝弩貂首大秦珠可
充千萬估牛羊盈其門珠玉盈其廡堂上斗酒會健兒鳴
鐘鼓大婦工錦瑟中婦歌金縷小婦貴家子徐徐調鸚鵡
吾欲終此曲此曲聞者苦長安連狹邪日月通前浦

侍御鶴沖金公死難詩

朔風吹高林，頽浪日東逝。亂起如于風，他心何可制。當年金直指，受命亂軍際。破產捍危城，捐軀先自誓。所志無依違，天階有崇替。追攀三月弓，一體殉先帝。城下洞灑水，湛

蘭清且厲蛟螭，不敢游雨雪。常相蔽身前，有君臣身後。有

伉儷

侍御畢命後夫人投繯姪婦孫婦侍女從死者三四輩

附祀得三墳，纍纍還相

擬。嗚呼板蕩初，麟獲傷反袂。懦愚務苟隨，翻覺生死細。丈夫重末路，吾道觀衰世。要當去取明，底論謀不濟。下馬拜斯人，關河空灑涕。爲賦大招篇，自投流水澁。春秋燃骨蕭吉日，迨邦祭放，悲靈之來神哉。般流睇其下，若風馬北來行。甚銳默坐眺八鄉，奚須環奇麗四圍。春草生千載，哀湍閉死者長已矣。存者德音繼，吾愛孝廉公。

謂侍御猶于蚪亭

保孤

存本系嬰杵獲同心幽明事一例况復故司徒

侍御父司徒農公爲奉

先令至

今祀之宗邦多遺惠敞廬咫尺間聞政如魯衛直指西巡

狩秦天一再霽至今共伏臘先後垂棠碣悠悠吾所思乃
在江海裔從泣戰城南美人空迢遞泣然登斯祠慷慨感
深詣澄波既終古皎月無年歲白雲著爲堂嘉夜著爲砌
東西植梧桐左右種椒蕙上有雙鳳凰飛鳴何嘒嘒寄謝
後來人聞風同勸勵

奉答約生表兄聞余過軍都

二雅淪胥久諸陵陟降懸書同西狩日客在北征年舊德
留鄉社中人食祭田感君歌有淚遙灑白浮前
魯衛無公族松楸有故枝尙懷行露意空及采蘩時歲久
愁風雨天高冷夢思白雲俱不返遺恨鼎湖詩

席上呈傅徵君

江海英風老漸疎
菊松高枕送居諸
野航慣載看山屐
春帖曾無乞米書
燦燦紫芝存古調
番番黃髮長朋車
兔爰中谷遙迴首
蝴蝶莊生各有初

韓侯嶺

古屋荒林落照催
高歌酌酒獨徘徊
苔嘗印虎秋還肅
柳只嘯鴉晚更哀
敢謂蕭曹皆有命
愁同召呂一論才
太史公云假令學道謙讓於漢家勳可力周召太公之徒後世血食矣
翻留血食村翁社
不爽明禋過客杯

長至前二日同右吉翁山陪曹秋岳先生宿雁門關

卽事四十韻拈玉樹凋傷楓樹林之句分凋字

使者歸旌近雲州
去路遙部間催懣
馬關下緩星輶折簡

俱相及披裘各見招佳人蒙夙契勝友得聯鑣野澗派溪

水

派音孤
水名

風深荻岸橋荒陴依戰伐晚景媚漁樵漸蹴雙

厓底平臨萬仞標羊腸盤紫塞鵠卵插青霄日暮冰霜積

年豐伏臘調人家留戍壘供帳設山椒惜別寒温略哀時

比興饒安危甯異想駕馭不同條天眷垂西顧民生脫大

僚

時新推秦晉
總制非人

翻疑開府節只數侍中貂甸國奚芳藹江

雲竟寂寥

先移浙
督後改

掄才喧此地授鉞憶先朝水旱紛猶昨

兵戈鬱未銷廟謨多慘淡公等尙風飈事豈和衷得恩將

使過要輿情違坦坦物論付囂囂半壁功誰就諸羌釁自

挑祁連猶舉火瀚海未通潮治化同緣木乘除比夢蕉薄

言秦駟鐵遺恨漢嫖姚

時西塞
有疆事

撫跡懷難盡更端客重邀

壺觴移短榻棨戟壯寒宵地隘霑行騎山高響麗譙聞詩

此耳卷言四十一
三
矜越絕藉草出江瑤靜覺微薰轉頻添畫燭燒醉來吟不
次辭去卧無聊素志蹉跎失朱顏積漸凋空餘餐菊蕊悔
不學松喬已任顛毛換遑論髀肉消異方甘蠖伏吾道總
萍漂隔屋分旗鼓開窗逼斗杓健兒村外宿飢虎夜深驕
奔陸迴長馭和羲近蓼蕭臨歧愁偃蹇後約待清韶執手
晨光發登車驟雪飄他年煩太史永紀雁門朝

登代州白人巖因飲孫園

萬仞懸孤嶂雙厓劃一門
好人多在野春水自依村
雨走空天角松藏老石根
危梯攀古洞彷彿說桃源

只覺前厓好何人並結廬
鷲巖光倚薄香閣靜含虛
法境清涼外人煙戰伐餘
因聲寄蓮社吾志在山居

舊年甯人先生以無妄繫濟南走書報我觸暑馳視

苦疾作辭還先生寄贈行三十韻詩春日晤保州

重會薊門奉答前詩廣五十韻

卧病三秋色懷人五岳情涼飈吹夢起啄雀喚愁生客返

關中路書傳歷下城客秋有鄉人至自濟南拜先生書倒衣初罷枕垂涕

復沾纓巷伯詩難讀梁園獄已平長吟歸黯淡別緒鬱縱

橫憶折前津柳同炊古寺羹前年與先生同客慈仁寺予先別去有孚謀且

窒無角兆先成遠道蒹葭隔周行坎窞并莒萊矜野語虞

芮亂囂聲訟起因小人奪先生田歛擢江波大潛揚海汐輕時訟牘株累多

人用已結海上事羣疑紛所出眾口漫多驚智勇微夫子艱危詐

此行奮身甘下吏微服恥為氓易豕繇斯昉騷歌比類明

經旬喧地坂舉國丐天晴時地震淫雨節至通蘋藻先生在難不廢時祭

愁來憶弟兄曾要肝膽契况忝雪霜盟草莠虛炎月雲高

隱暮旌罷呼燕市酒過決薊門程戎角迷丹嶂河陰護綠

蘄崩隄頻淖馬廢塢剩聞鶯水旱憂兼劇誅求慘自鳴道時

多有詩別此邦哀瑣尾何室厭香橙觸目難俱述驚時已

漸更馳聞瀛隰盡頗喜岱嵐迎膏沐誰違理壺飧欲就傾

畏途晨上謁羈邸夜班荆續燭探行笥聯牀做外楹年華

窮不減日錄老逾精先生時成日知錄若干卷恨失登山約嗟為抱甕

貞徘徊違魯賻劉六茹新故未能往弔邂逅合秦箏鄉人閭天木閣

彷彿溟峻泉憐趵突清趵突泉東有白雪樓狂濤終砥柱直道益崢

嶸旅食悲寒及歸舟阻潦盈依然垂橐去率爾采薪嬰左

次才彌拙西還意若醒貧非荒竹徑渴豈慕金莖急難睽

良友端居惕遠征寸心如濩落中夜幾屏營自得分魚素

空教怨鹿苹川原仍獨往伏臘互相衡甫定他鄉榻俄從

上日觥先生以二月朔至好音隨杖履佳會足公卿律轉堅冰解

春迴早卉榮斂才期近物逃俗勵修名忽復追鞭弭還來

過帝京每詢邛邑樹誰薦寢園櫻時在清明進履耽逢石將詩

悚報瓊雍田關華好為耦待躬耕時先生與無異有華山卜築之約

酬程五周量

夙昔傾程蓋乾坤判楚才時屈翁山寓程宅迷方良夜雨薄祿故

人杯旅舍逢湯沐離宮入草萊前秋合歡扇一傍月明開

潼關

雲薄關門紫氣長帝樞曾此撼巖疆河經百二開天地華

枕西南鎖雍涼戍火忽移函谷月征車多帶灞亭霜舊京

蕭索垂千載飛輓何繇接巨航

望嶽

太華三峰列峻屏晴霄飛翠下空冥曉雲東抱關河紫秋色西來天地青玉女盆中寒落黛仙人掌上接明星亂餘林壑懷遺客縹緲幽棲賦采苓

贈高大扶南

大雪同辭漢苑鐘微霜已帶楚天松長臨玉樹憐車騎獨傍青雲美仲容雨散遠林明薜蘿江高秋水縱魚龍促裝聯榻經寒夕春酒杯浮琥珀濃

高歌行

寄程穆倩

江城正月黃鳥鳴有客清晨呼柴荆相見乃吾故人子朗如瓊樹玉山行別時五尺今八尺三載騰驤游公卿長跪起居動有禮藻華丹篆輝前楹我亦再拜讀來札高江波濤同激發自云流寓老益困中復採薪相摩戛鹽澤汗血

反蹉跎魯門鷄鷓誰識察忍餓恥爲稻粱計哀鳴徒仰霄
漢刷往者邗溝嗟賃春豪家睨視薄其傭陋巷經旬覆土
銜僧寮伏枕餐新松解質未敢惜長劍庭羸無時違短筇
形隻影孤窮安詣獨君橋梓數過從君有長歌二千字兩
京板蕩須臾事薤露傷逝足慷慨青蠅惡讒橫涕泗光芒
遄飛遑停吟徵羽數變始滿志太和協律迴奇絕長慶尙
書何縱恣昔君早與吳橋游漳海清江俊及流回首太阿
倒奄豎蔓延關雒嘯鵠鶴九鼎卒移朋黨禍微霜深中杞
人憂禮失在野此最近詩亡於近將焉求晚年駘蕩竹西
久高卧何如鹿皮叟時湛彩筆拂雲煙徧揆遺文盡蝌蚪
大鏞石鼓忽同几犀劍環刀常在肘籀書頡跡出爭持丞
相中郎藉不朽琳瑯徑寸輕千緡約取猶難庇汝身貴戚

東坡雜言附卷四十一
當前況辭謝貧交接踵如飲醇未攜一絲坐相索傾帙堆
案皆所珍豈但室中生交謫鄰翁竊笑童僕嗔薄俗逐聲
寶康瓠黃鐘遺棄人罕顧山陽遂以工鍛聞正字終須碎
琴去滄洲躊躇獨往願白髮磬折諸侯路北眺故園隴樹
深東來春水江花暮卻送之子江之隅輕舟漾日歸東吳
內省殊慙報瓊玖相思且欲凌碧蕪夙知用拙見天性何
必雕蟲非壯夫片帆若訪曹秀水爲道蒼生望重蘇

答友見錫鬯垂示山左見懷之篇

燕市陳情客未還故人相見慰愁顏曾遲劍舄京華外

前子

歲至京值錫兄
客通州未及晤卻賦榛苓海岱間存沒諸公皆斷梗亂離
九塞各嚴關尙須前箸呼閩闔西望白雲何處山

陳情後投上冢高陽相國

聖代垂裳日宗臣秉軸年安危殷獨倚作述儼相宣國體

光凝命家聲協象賢

謂先相國

先公堂載闢舊德史爭傳我李

貽謨大生民肇祀虔仙源遙溯隴望族久推燕履傍星辰

切膏蒙雨露偏沛豐原近漢韋杜並依天奮翮郎山迥濡

毫易水妍雅音兼宕激經術飽騰穿制策留深殿圖書賜

祕篇然藜堪炳閣發篋似流泉屢冠清班采平登上相躔

黑頭人競識黃髮卷彌堅正色羣僚右和衷獨座邊雍容

瞻物表敏捷洞幾先左序鐘初徹東方旭未延極宸森列

仗閭闔靜鳴鞭特詔趨承謹當時應對專至尊頻造膝長

日數移塵漸睹皇威霽難聞密語懸輸誠通肺腑布澤滿

陬埏往聚黔池甲俄高楚塞煙飛輪連棧騎剗障截江船

駭落狂濤莽歡來急羽駢奔猿甯假木涸鮒已盈筌勝算

揮師次英謀授廟塹那須名出己真少議隨肩惠洽雕題
外功論汗馬前珥貂開七葉端珮領三蟬粵徼遲湮壘滇
陰且控弦敢求湯沐暇遑恤鬢絲鮮託契孚魚水賡歌靖
鎧鋌剛逢戎事肅早覺聘車聯小子何能賦愁吟亦可憐
總知窮自悔奚補壯多愆夙譽饒虛竊僉詢歛謬然苦辭
明發駕終挾遠游氈勢迫違慈母途歧戀別筵雪霜身契
闊河海淚潺湲卸橐秋將暮居亭地屢遷炎暉行處猛夕
月幾回圓抱病仍趨闕臨軒勉受箋濫分倉庾米叨給度
支錢睿藻雖同及溫綸乃下詮爰忘蓬戶陋竟備石渠員
乞養要無已孤恩信有焉迴頭雙華阻舉目五雲連所恃
榮瓜瓞還勞芘葛縣恭期致堯舜錫類許矜全

邊上

蕭關城堞望中分，鹿苑干戈道上聞。
野霽卷蘆吹白日，霜清驅馬下黃雲。
征西盡撤三千戍，鎮朔遙歸十萬軍。
誰抱遺弓攀鶴表，賜冠空滿駿驥羣。

亭林先生寓曲沃卧病小愈走書相聞卽遣使起居

奉詩

澗樹東連岳樹深

先生前寓華陰

相思北接太行岑，蒹葭儻觸居

關興蟋蟀偏工入，冀吟世易繁霜應。
有道天留碩果定，何

心晨星落落長蒿目，忍使尋盟負斷金。

王路風流縞帶長，霸圖聊託晉初鄉。
遺音西國思千里，老

眼中原淚數行春，逼夢隨池草綠臘殘清。
引閣梅芳曾論

徽祀虛籩豆許，傍新宮自築堂。

先生有約居雲臺觀朱子祠內

五十知非似醉醒，柴門寂寞晝長扃。
古人何可欺毛義，吾

道將無媿管甯幽俗好風吹舉趾漢時明月照傳經鳴車
整旆西歸日戶外寒融柳色青

題無異先生顧廬

學易中年自結廬衡門忽繫遠游車雙飛遂合延津劍萬
卷同歸遯世書逝水難留清漢老名山忍對白蓮疎還因
適館移新額淚灑西州寓目初

呈希制軍

使相分符十二州明公賜履冠諸侯天包涼益開東井地
跨關河領上游寒谷春生吹律徧野航時帶霽暉流躬耕
久自耽林壑望歲頻書大有秋

秦松齡字留仙號對巖無錫人順治乙未進士改庶吉
士授檢討罷歸康熙己未召試博學鴻詞復授檢討

歷官諭德有蒼峴山人集

詩話留仙爲小峴高祖年十九入翰林賦白鶴詩應制句云高鳴常向月善舞不迎人上顧左右曰此是有品者罷官後隱惠山之麓日與故人遺老唱和王阮亭爲同年嘗緘詩一編寄之題曰寄阮集

送汪茗文入都時謫兵馬司指揮

省郎聞命返長安
春色鄉關曉尙寒
輦下故人誰左掖
東吳名士半南冠
豈緣罪累甘三黜
莫以詩篇傲一官
我亦如君不得意
離筵落日酒杯寬

悟石軒翫月

高閣中夜坐攬此山上月
目盡意未已移步向林樾
碧草色欲無朱華影俱白
微火出上方清風吹片石
人語漸不聞吾心共幽闋
靜理常在山浮生喜爲客
清光永若茲芳菲有消歇

恭紀

世祖皇帝遺事

千騎傳呼簇玉鞍
平明西苑朔風寒
合圍親射雙鵬落
不許降王仰面看

離宮閱武及初冬
清問還聞下九重
閩粵軍輸憂告匱
親將節省命司農

封章夕奏早批朱
清晝譚經到日晡
講幄新移弘德殿
天人稱絕董江都

御筆鍾王歎逼真
不將戈法借儒臣
親摹文敏書千幅
小璽朱鈴掌內人

桃源澗

斜陽歸曲澗
薜荔暗風吹
古墓人行少
深山葉落遲
看雲

心不動愛石坐常移去住成今古寒林應未知

錢礎日先生同吳門程彥明小飲齋中各以詩贈用

韻奉答

輕風梅柳暗相催客到荒除破石苔此日一尊逢暮雨頰
年雙淚對花開空堂木榻披書坐春水蘭舟問字來鐙火
巖城知不禁須教明月照深杯

泊青浦

過眼青山失停橈落葉聞漁鐙明夕浦野鷺劃寒雲水氣
孤城合人煙斷岸分不成尊酒興歸思竟紛紛

族祖按察公署中泠然亭小飲

暫作南州客招攜在綠池鄉心鐘度晚官閣雨來遲靜理
風塵得孤懷骨肉知濃陰終日語卻似在家時

肥遯懷徐孺卑栖憶子真可知同醉客半是倦游人乍拂
簾旌燕將歸江渚身持尊向長者辛苦涉通津

秋水閣

山閣坐知久愛看秋水清萍開孤鶴過蓮墜小魚爭迴合
深林碧微添落照明未窮莊叟理圓對愧吾生

支泉

不自藏深谷因人度鬱盤映空仍皎潔潤物恐艱難林影
依山折溪聲挾雨寒那知流遠近還作二泉看

過岱下阻雪不得登

雪色凝空路百盤十年三過一登難駑駘那復勝鞿勒俊
鶻何當借羽翰漢時秦碑思帝子金函玉檢記祠官誰知
泰岱春晴望轉作峩峩天半看

續和唐人惠山詩

出郭見山色日夕一青蒼
清泉來玉洞更上漪瀾堂
綆汲無寒暑冠蓋紛游翔
沾灑若春雪巖石生幽光
始知耳目異旋覺心脾香
濟物固其性塵垢能相忘
春風吹山麓迴塘集游人
山容自終古物情時與新
草木何華滋水石亦粼粼
羅綺照樓閣白日凝香塵
夕磬下林杪翠羽歸青旻
此時幽居者蕭然絕比鄰

白鶴來何方草堂多深樾
清暎時一聞林巒自杳絕
水檻開素書坐看暮雲滅
石磴落紅滿山頭吐明月
風籟一壑清道心中夜發
莫使花盡掃高人有車轍

寒女歎

賣去結緣珠獨上流
黃機織成雙鴛錦
誰家作舞衣

燈火半明滅停梭聞歎聲誰知蓬鬢影舊日亦傾城

周清原字浣初一字雅楫號且朴又號蓉湖武進人監生康熙己未召試博學鴻詞授檢討官至工部侍郎

有司空遺集

李敬堂曰海甯范文園善相人謂武進周清原吳江徐鉉皆當不由科甲入翰林至己未同授檢討其言果驗 聖祖嘗稱青原為孝子御書孝經賜之 詩話蓉湖嘗言盛世文章當高華沈博不屑碎文瑣義故詩亦多堂皇典麗長於應制集佚不傳僅見賜宴詩冊及題畫一首鳳羽豹斑聊存其概云

康熙二十年七月二十一日賜宴瀛臺兼頒綵幣蓮

藕恭紀百韻

上苑依丹禁秋光燦御筵恭逢宸讌日慶溢太平年池柳籠初旭宮槐散曉煙津梁銀漢近臺殿翠微連共喜君恩

召遙隨中使傳濟蹕臨水檻覽眺坐樓船漸覺蘭橈動渾
疑錦纜牽波明浮采鷁槎汎挾飛仙檣轉文鸞舞鳧趨細
浪漩珠簾圍翡翠繡幄繪丹鉛苻帶翻風直荷珠拂棹圓
仙臺初顧盼瀛海試尋沿百道如瀟澗千株盡杞梗維舟
登輦路委珮肅官聯映日彤霞麗裁雲縟錦鮮機絲來夜
月袞繡簇連錢御帕遙籠處天章迴爛然攜供青玉案掩
映紫茸氈殊眷纘紛下微名次第編上公先拜手百職盡
隨肩捧出榮光散頌來表裏全製衣將粲粲束帛各戔戔
名紙題還溼文縑看愈妍鵷行齊蹈舞綺席更明蠲花下
重茵布池頭綵幔褰人疑霄漢上坐傍水雲邊脯是麒麟
擘甌皆琬琰鐫和羹隨鼎鼎香氣雜蘭茱飯煮長腰米鱗
烹縮項鯪含情思在藻得意欲忘筌廣座容言笑長林喜

靜便簪從螭陛撤茗用鳳團煎飽德慚何補承恩未許還
徘徊同憩石徒倚更臨淵魚戲穿波出鷗閒結伴眠紅蕖
猶爛縵碧瀨自潺湲鼓腹蓬瀛側凝眸雲樹巔喬枝巢海
鶴古木噪秋蟬縱覽探芳徑澄懷淨俗緣來游歌豈弟素
食愧清漣皎皎臣心似温温勅語宣班行重接席珍錯復
加籩杯畢傳三殿壺漿下九天氤氳香作霧芬飴酒如泉
曼倩懷應滿相如渴已痊勸酬來近侍斟酌遣中涓盤捧
原承露杯深似吸川皇仁洵藹藹帝賚復惓惓燕笑于胥
樂威儀罔或愆稱觥多譽處交鬯共纏綿晝已勤三接榮
誠勝九遷歡呼靈沼畔盡醉至尊前耳熱猶端恪顏酖敬
折旋匪躬恆蹇蹇舉趾覺僂僂遠樹涼飈動遙峯落照懸
已叨金殿宴猶羨玉河蓮紫葍淩波細青房浥露堅託根

蟠太液擬璧產藍田翠蓋閒披拂瓊枝久蔓延弱莖芳芷
伴勁節素絲纏綽約姿偏豔珠璣實更駢倚風橫燥雪帶
月靜聯拳豈受污泥滓宜同沆漚研菰蒲隨汎汎菱芡並
娟娟爰速蘭舟去羣將翠蒂拳懷珠初出水拱璧已盈阡
蕩漾停雙槳芬芳列入磚堆雲眞靉黷積翠更蔥芊寵命
何蕃錫分攜得自專朵頤知味美熨齒沐恩偏醉醕同懷
惠傾葵共勉旃敢云簪絲筆漫自理歸鞭鵠鷺還容與夔
龍任後先熙和情自洽踧踖步猶遭珍果盈懷袖縑緗壓
錦韉宴洵逾鎬洛功已奏黔滇萬里歸皇極千秋廣幅幘
西池無匿馬南詔有嘒鵠版籍全通貢岡陵永不騫武功
銘鼎卣文德靜戈鋌窮鳥猶堪憫哀鴻更足憐徵輸應暫
緩逋賦每常捐式廓皆甯宇安流已導岍休風蘇疾苦化

聯珠錄言匯卷四十一
三
日起危顛咸凜天威肅還賡王道平虛衷勤訪洛講易獨
尊乾精一端心學危微闡祕詮淵衷窺邃穆至治顯陶甄
坐論追伊呂掄才簡許燕共知瞻主聖兼頌得臣賢民瘼
羣休喚官方正矯虔平章開黼黻搏擊去鷹鷂九穗嘉禾
實雙歧瑞麥稍簫韶常隱隱鼙鼓絕閶闔泣罪舒三網宏
封沂八埏騶虞游大澤麟趾應春暘交泰陳無逸從游賦
有卷章身榮纂組勵志凜禾塵雨露長承此涓埃尙闕焉
芻蕘陪獻頌愧比上林篇

題王麓臺見山圖

雲嶺千重水一灣幾家茅屋茂林間自從王宰題詩後不
用開門也見山

徐嘉炎字勝力號華隱嘉興人副貢康熙己未召試博

學鴻詞授檢討歷官內閣學士有抱經齋集

詩話華隱詩以才氣勝自謂始學初唐四傑中年肆力於青蓮右丞二家人都後間涉昌黎蘇陸蓋其寢饋既深途轍甚正吐屬故是不凡

丁巳新秋讌集李客部園亭送李南枝分符之武林
水精簾卷夜光浮蓮葉田田梧葉愁燕市離筵南浦月吳
山歸路驛亭秋客星已見雙辭闕鄉夢還驚獨倚樓醉踏
軒轅臺畔草丁香可解結綢繆

昭化寺古羅漢松歌贈蒼巖沈師

古松千年物寄跡空桑門仙人手攜綠玉杖飛來天際盤
雲根高臺蒼茫連崑崙紫煙青嶂浮黃昏湖山四望杳冥
邈亭亭翠蓋沈心魂我來披拂松上月濤聲萬壑何超忽
鳴絃響瀑來九天空中仙樂疑喧闐五城風雨歛而至翛

然欲拍洪崖肩春潭瓊草草色連冠霞裊露橫山巔人間
甲子幾滄海誰與草木齊長年奇峯飄飄層雲煙清暉娛
人憺忘旋深林霏霏蔽日月交柯雜沓迴芊緜松陰列坐
有道者吳門羈客人中仙神仙中人沈夫子當年廓落青
雲士五月披裘吳市中孤標迴出塵埃裏此地婆娑樂吾
眞偶然相對足相親功名若勝杯中酒越水吳山亦笑人

登鷹窠頂望海中夏蓋諸山

茲山展武地海上得朝宗梵刹馴歸鳥深潭隱毒龍朱霞
連越嶠翠蓋偃秦松南望諸峯在參差霧幾重

玉宸觀

深山樓閣擁仙官檜柏蒼蒼入殿寒廢井但從沙際識殘
碑多半雨中看鑪煙半拂黃金座雲氣晴低白玉壇福地

久傳人不到遺蹤何處覓真丹

陸棻字次友號義山平湖人康熙丁未進士內祕書院

典籍已未召試博學鴻詞授編修歷官內閣學士有

雅坪集

詩話國初師下江南義山年十四從父未庵行避兵未庵為兵所得將加刃義山力求代乃倖以去越四年未庵赴公車訪得之百鍰贖歸初以國學生授內宏文院中書成進士遷內祕書院典籍復舉大科入詞館詩有三唐矩矱伍鐵山稱其堅淨方雪岷稱其雄麗

自豐城抵萬安江水大漲

春江灌潦水百堵沒滄洲釜已游魚鼈涯難辨馬牛艣聲
來木杪帆影度城樓雙劍沈何處清宵起暮愁

度高嶺陳嶺

夙興越崇岡曉氣溼如露邱壑鬱迴抱登頓得坦步雖非

五丁鑿介然以成路云是高與陳名存迹非故茂草生峯
巔光風爲布濩蕩漾成微波渺若水雲遇啗彼澗底松偃
伏歎遲暮

甯都西江

停車謝塵鞅晴江蕩柔艣中有雙魚浮似挾浪花舞層雲
吐新霞顏色美難數顥氣指東北劃然界蒼宇溪流忽如
斷夕陽在山左晚峯鬱深翠暮靄覆村塢隱隱聞雷聲孤
篷戛夜雨迴溪且停橈玉璜奏今古

雙魚洲巨浸不沒
璜溪水聲如鳴玉

大風疾行二百里過馬當小孤

厲風擊水使倒流水聲怒立爲山邱六鼇並起翻滄海盤
渦鼎沸驅蛟蚪白日黯淡鬼神泣狂瀾震搖天地愁我行
江中歷旬月淹留飄泊心飢渴今朝一葉飛洪濤遂使形

神寄超忽陽侯鼓浪如共工層波相觸羣山空排沙裂岸
不可卻馬當橫絕居其衝上云太行險下云呂梁洪地勢
何太逼晝夜相交攻小孤巖豎氣雄卓中流聲勢爲犄角
欲憑堅壁鎮驚譁難使滔天受約束乘船似乘駿馬行追
風躡影無塵聲復似修魚鼓鱗鬣任鉤巨錙何敢攫鳥翼
徘徊不能上商飈捲籜何其輕羲和轡已遲長江路盈咫
回首萬重山去若弦上矢不向壺公借碧龍那羨琴高騎
赤鯉

潁山鋪

騎出榛荆谷天開葭菼鄉藕花明萬頃漁艇入三湘脫帽
雙帘醉停鞍獨樹涼雖無采蓮曲逸興滿滄浪

大庾嶺

煙景曾無異兵戈鳥道荒千章松影碧五月稻花香漢使
征輶急秦關戍路長今宵應翦燭莫漫憶他鄉

泊瓜步

曾驚駭浪挾風驕擊楫重過一葉飄樹色明浮千頃月江
聲寒聽五更潮蓬萊紫日光應近橋李青山夢漸遙明發
征塵愁撲面中冷回憶舊茶寮

南安早發

春山寂寂片帆輕一路煙巒送客程最是斷腸聽不得杜
鵑花裏鷓鴣聲

馮勸字方寅長洲人康熙己未召試博學鴻詞授檢討

沈莊樗幽居

楊柳塘東更向東綠蒲紅蓼各成叢三家村口少人過獨

木橋邊有路通老屋短垣披薜荔主人長日注魚蟲客來
彷彿桃源內雞黍爲歡話古風
錢中諧字宮聲號庸亭昌平籍吳縣人順治戊戌進士
官瀘谿知縣康熙己未召試博學鴻詞授編修
少年游俠五陵豪意氣如雲照錦袍寒鎖畫樓封荳蔻春
回別館醉葡萄慣拋金彈飛黃捷學舞龍泉太白高行樂
不須辭秉燭朱門臺榭易蓬蒿

汪楫字舟次號悔齋儀徵籍休甯人康熙己未召試博
學鴻詞授檢討歷官福建布政使有悔齋山間消寒

觀海京華諸集

詩話舟次使琉球爲其國撰孔子廟碑觀海一集卽
其時作也又撰中山沿革志使琉球雜錄以述其世

系沿革及山川風俗禮制瀕行例有餽贈概卻不受
國入建卻金亭志之四十年後復有使琉球者其國
禮制猶遵舟次所改訂有詩僧宗
實年七十餘尚誦舟次詩不輟云

贈別蕭尺木
七十遠為客風流殊未衰自將蕭氏韻高唱杜陵詩世已

輕詞伯人猶重畫師黃金買毫素彷彿太平時

揚州難結夏六月上江船烈日蒲帆外清風野渡邊波平
思學釣稅急悔求田只惹妻孥怪看囊無一錢

西山紀游六百字呈同游施愚山少參高阮懷同學

西山蟠西江厥惟神仙宅窈冥三百里往往困游屐使君
發高興逝將飽經歷披悃告大吏休沐許三夕倉皇裹糗
糒折柬到逋客維時丁未秋正近重陽節天氣忽暄曠披
裘雜絺綌同調得三人無慮喧與寂側聞兵燹餘梵剎尚

踰百前期杳難窮惜陰慎所適香城山最險翠巖名尤赫
兩地騁夙懷循塗更探索稍行猶康莊漸遠得局躋游絲
常冒面瘦藤能迸石絕巘恣盤紆緬懷巨靈擘逢樹競折
枝危徑寶輕策路迴失鄉導草偃尋人跡瞬息苦少暇大
水遽崩澍波濤滿空山平慎生恍惚碓屋結構牢造化及
瑣屑忽憶窮檐人質春形役役辛苦謀一飽觀此得無感
茅茨時復近犖确轉逾窄日落山花殷猶餘數峰赤透池
入靈境殿閣晃金碧衲子被長髮原委能具說伊昔典午
間雲公此卓錫寇至驚蒸黎焚香化雉堞至今山中大
半是所活又云前山隅舊是猛虎穴道士張逍遙以杖逐
此物其人已羽化其廬尙突兀晨起尋遺蹤排雲踏山脊
巨崖落寒風颯颯蕩精魄石筍垂丹梯古洞立積鐵冬氣

周四時靈曜不得烈拂壁瞻畫像低徊難遽別暮經洪崖
井巉巖正飛雪只疑奔湍間仙馭同出沒溯流尋高源差
岌生蕩激一石尤倔強臨水自挺拔虛聲徧巖谷此輩恥
同列闡幽賴使君錫名補其闕恨無磨崖力排空立高碣
鐘鳴翠巖寺倚杖盡覽躡謁來丁酉霞嶺上傳丹訣僕夫
急長生賈勇待明發未見顏色好已忘筋力劣跂足盡重
繭飈舉爭健鶻山果不知名披荆競相掇陟險凡幾盤所
邁殊朴訥危坐無多言亦足滌煩熱偃蹇下山徑亂雲相
抵突霏霏出煙霧未雨道先滑蒼茫翠微裏何從辨虹霓
嗟余誤塵網毳毳見白髮丈夫不得志此身等蠓蟻神仙
吾所慕憂來不可輟山水且徜徉勝游頓提挈載筆陳此
詩聊以誌歲月

揭子宣過訪

奇人曰揭暄健翮恥飛翻斫地把三尺寫天能萬言好風
吹草屨細雨到柴門高論知何極相傾只酒尊

送張振九之永嘉司馬任

雁蕩山頭瀑絕奇藥公常爲我言之半天豈止五千仞空
谷無非風雨時司馬能書擘窠字停驂應勒紀游詩永嘉
烽火于今少王謝風流萬古師

題畫

十月山寒木葉稀霜華未散古苔肥藥房深閉客何處卧
聽空江老雁飛

送陳元水歸豐城有懷房興公明府

此老歸然在長眉掩淚痕一生家屢破萬死舌猶存已忘

明縣志卷四十一
他鄉苦應知吾道尊臨邛有賢主日日款柴門

贈別吳舫翁

汪生三載螺川客臨去才知吳舫翁風雨齊生雙腕下炊
煙獨絕萬山中如君自不依劉表今日何從得孔融顧我
捋鬚還大笑雲龍此際又西東

新安道中二十韻

已逐黃塵老初爲故國行計程隨逆旅問俗媿諸生頓頓
春新穀村村護舊塋建旗看屋峻鑑髮得溪清險莫驚新
嶺行當慎考阮人煙愁處絕衰草望中平曉日迎過渡輕
風送出城天心藏暮雨冬氣發初晴徑轉逢樵唱山幽憶
鳥鳴忽驚蒼樹斷知有白雲橫稻草盤空挂松毛近火擎
林深霜作色溪響碓無聲阡陌隨山曲陂塘待雨盈勞人

下擔急健婦把鋤輕野宿惟防虎山城竟賣鱗西江時轉
粟南國久停鉦昨者聞傳詔三方盡撤兵雲帆朝不至蒨
屋夜常驚幾見東家飽先愁小市爭曝芹誰許獻桑梓最
含情

漸江墓

畫師墓上百株梅盡是當年密友栽山徑風高吹半折花
時更得幾人來

中山七夕次石來韻

他鄉七夕今年好放眼能窮萬里天白露自零官燭外銀
河直下海雲邊拂竿不見珊瑚樹登俎眞成玳瑁筵聞道
弓衣有人織興酣寫與布頭牋

馬耕田歌

中山山多稻田寡耕不見牛時見馬曳犁負輓當町畦編
草絡頭泥沒髀噴沫徒憐氣凋喪跼蹐安知材盡下王良
伯樂無時無不待悲鳴淚先灑側聞洪武開國時曾來此
地求騶驪連檣累舶動千匹購買不惜傾高貲陟險衝波
有底急每緡舊史常懷疑維時布衣起江左渙號止及東
南陲壯士健兒恣騰踔步卒敢向中原窺圍人太僕但充
位登牀厭穀皆虛詞誰歟忽建鑿空計外廡祇藉長風吹
飄颻遠致列雲錦騎出奚啻熊與羆永辭絕域騁皇路寸
長一技皆得施不走沙場繫畎畝吁嗟爾馬生何遲今制
三年兩入貢使者執鞭大夫控天子垂裳顧日嘻此物何
煩跨海送異域從教寶驢驢天家絕不求麟鳳終老邱園
何足惜竟辱泥塗亦堪痛吁嗟爾馬無自傷不逢湯武逢

虞唐縱有龍媒四十萬中山只作華山陽

題五子樽酒論文圖

渭北王幼華來江東與吳野人孫豹人郝羽吉及楫交命曰五

友繪圖以歸分賦

汪子無才負傲骨尋常出門少親暱僻壤相逢吳野人風
塵意氣膠投漆野人之友亦落落論詩共許孫與郝幾處
歌聲向一燈吳陵新安與焦穫焦穫自昔多名家孫郎動
向人前誇眼中難見李叔則戶外忽來王幼華王生結交
殊不苟屈指素心惟五友預愁他日走長安不似於今時
聚首西湖戴蒼能寫眞游子不顧囊中貧卻將渭北江東
意圖成樽酒共論文更有黃山江天際畫水畫石多生氣
援筆添寫兩株松百尺寒岡接蒼翠裝來卷軸喜同看皓
首孫郎酒不乾郝子撚鬚時欲笑吳生抱膝動長歎汪子

把卷苦抑鬱王生惜別何辛酸王生王生勸爾且盡樽前
歡明日徒從紙上觀

長史鄭洪良以王命請余畫像留國中口占答之

豈是中朝第一流偶持龍節拂麟洲大名那得齊諸葛遺
像何勞比益州稍喜文章堪報國誰憑骨相取封侯靈臺
一片真難狀多謝傳神顧虎頭

袁佑字杜少號霽軒東明人康熙壬子拔貢官內閣中

書已未召試博學鴻詞授編修歷官中允有雪軒集

詩話毛大可與杜少同在史館自言每日分廳起草
日落必撤筆相對吟一詩然後騎馬出東華門其詩
風骨峻上不敢偶佚繩檢長垣却雪嵐謂所為詩率
本至性旨趨原於風雅體凡數變每變益工往往絲
竹繁會中授簡揮毫灑灑數千
言立就而一唱三歎歸於雋永

寄贈孫徵君

游魚有殊趣鳴鳥有殊音羣士紛逐名先生獨見心志匪
慕巢由而乃終山林我欲往從之山水何高深

月下懷友

亭虛偏受月來往獨思君晚飯饑仍嬾秋碁遠更聞寡營
常採藥多病久離羣不有桓譚出誰能識子雲

病中與諸友

病至眞無謂憂來不可名花飛春日色雁帶故園聲卜築
同巢父尋仙得廣成何當驅二豎好向泰山行

早發七里河

慈親望子至行役敢蹉跎曉色千家樹秋聲七里河亂螢
隨月度高雁傍星過幾處丹山裏如聞白石歌

與汗朱言別

思鄉當十月歸馬帶霜寒野館同相憶河流各自看著書
應閉戶閱世好加餐暫坐休辭醉離亭柿葉丹

抵舍

搖落悲秋暮空山又掩扉虛名知己在盛世壯心違九月
茱萸酒十年蘿薜衣愁顏難自解不爲羨輕肥

行城南魚窩道中

渡河村落少南北訝晨星鴿怖依禪樹鷗閒宿野亭寒梅
深破臘凍柳遠含青浩蕩知春近農歌漸可聽

秋霽漫興

登樓開霽色遠近一蟬鳴溼竹含雲氣晴梧作雨聲詩從
憂早廢病自入秋輕閒讀巢由傳斯人已市名

行舊城道中

故人垂釣處踏雨問前期黃葉三秋路蒼煙五禮碑閒雲
同客意健鳥趁秋時放眼滄波上樓船唱竹枝

凌玉又有遠行得書念之

我亦求田舍君仍滯道塗盛名多坎壈野館半榛蕪賦穩
新詩句愁深舊酒壚一年纔一見歲月望中徂

秋霽和崔玉階太史韻

積雨今方歇晴開九月秋星光明水岸樹影挂山樓尙作
他鄉客依然昨夜愁西南多戰伐何處不關憂

初春登北閣送張潛庵游臨潼

暫對河橋酒春城柳色新蕭條廉吏後飄泊遠游人挂棹
方辭越驅車又向秦故園同逆旅回首欲沾巾

汝有探奇癖西來興自賒人情隨道路春色著鶯花韋曲

多詩侶新豐半酒家朝朝逢折柳忍住在天涯
歸程應不遠想在麥花秋客路枌榆社家園杜若洲曉風
吹夢蝶春樹聽鳴鳩酒伴君能訪終南有醉侯

春日游水月庵

溪橋晴日好渡水問珠林曉樹浮煙出春城帶雪陰鷗鷺
游子夢花發定僧心命僕攜農具閒聽扣角吟

送友人南旋

野棠初放綠送子近河橋此地輕離別何年慰寂寥岸雲
迷曉樹江雨入春潮應有北來信高天雁影遙

棠棣坡

野樹無邊闊蕭蕭一徑穿石叢留虎蹟沙外見人煙魚販
三家市鴻飛八月天老農閒剝棗遲客汲山泉

別同學諸君

依依花下酒忽復泣沾巾久客懷鄉土將歸戀故人雪霜
千里道貧賤一生身此去黃河岸愁看舊釣綸

送錢子璧還江南

別酒臨高館歸人值暮秋山川桃竹杖雨雪木蘭舟開閣
懸青眼還家戀白頭吳梅花早發遠折問離愁

濟南雜興

山勢平臨近水亭白鷗白鷺滿沙汀柳條待雨仍含凍麥
意違春未放青冀北九方能識馬濟南一老自傳經夜來
風起連城響伏枕關心不可聽

月夜游秋水橋岸

藕花短短葦花齊漁艇秋煙草閣西出寺溪雲隨意遠過

橋山月趁人低藏書對客常九藥載酒尋僧獨杖藜礎杵
不聞千戶靜蕭蕭城闕夜烏嘯

酬梁芝三吏部

角巾獨買碧山居人羨山公啟事餘詞賦近題梁苑雪音
書遠寄汴河魚幾年帝里輕回馭何日王門敢曳裾見說
鶯嘯曾有約片帆春雨到衡廬

九日登舊城用曹秋岳侍郎韻

歸路鄉心折大刀還從此地醉葡萄雲深野壑魚龍寂風
急空林鶴鶴高僧閣雙扉連土壘人家十里餽山醪紉蘭
忽漫思公子落帽溪前自讀騷

飲幼輿齋中賦和

獨鶴盤雲下九皋西風杖屨肯辭勞陶潛自種當門柳仲

蔚無妨滿徑蒿日薄長林留晚照夜深急雨落秋濤相期
共載匡山酒笑指丹崖翠壁高

凌玉去燕游晉歸以詩見贈賦此奉酬

殘菊重陽一醉回虞卿飄泊正堪哀入春詩夢池中草落
日書傳壠上梅綠野依然游子去青山無恙故人來五雲
北望天高處知是黃金郭隗臺

秋日雜興

棗邊柳邊木耳生稻稭畦外小船行量晴野老方愁雨多
少荒陂不可耕

長門怨

沈沈宮漏夜無聲半捲珠簾見月明譜出霓裳供奉曲避
人花下自吹笙

湯斌字孔伯號荆峴一號潛庵睢州人順治壬辰進士
改庶吉士授檢討累官江西嶺北道康熙己未召試
博學鴻詞授侍講官至工部尙書諡文正從祀孔廟

有潛庵遺稟

詩話潛庵師事夏峯爲姚江之學而亦推崇洛閩持
論最爲平實值鴻博大科應試之作乃斐然可觀亦
講學家所罕有也詩無意求工
自然雅澹固是有德者之言

贈李映碧先生

蚤年登朝著端笏拜彤闈抗疏表孤忠旭日麗黃扉維時
甘陵部南北勢相違正色兩不阿嶽嶽世所希元祐盛名
賢黨論多是非元黃未息戰國是將安歸惟有哲人在秉
道還識幾石室留諫草夢回尙依稀

魯國遺經火口傳賴伏生九十秦博士典謨亦已明文獻

歸靈光斗杓示景行著述藏名嶽大義何崢嶸虎觀待鴻
儒丹詔下江城老夫難趨走豈敢抗弓旌抽書授使者卷
軸滿巨籟白雲封巖谷時聞鸞鳳聲

向歆嗣經學彪固續漢史世業重蘭臺千秋誰繼美先生
令子賢載筆石渠裏文藻曜朝華持論平如水眾人驚未
聞庭訓實爾爾余也衰朽姿追隨愧迂鄙南望東海濱丹
霞明若綺願言從執鞭廁身堂廡底恨無鴻鵠翼翻飛平
原里

西來庵贈水齋上人

上人舊爲甯夏總兵

白馬西來掃野雲居人誰識舊將軍楞嚴讀罷焚香坐一
鉢江泉到夜分

邱象隨字季貞江南山陽人拔貢康熙己未召試博學

鴻詞授檢討歷官洗馬有西山紀年集

詩話季貞與兄曙戒大理象升並有才名時號二邱
漁洋賞其處州山中詩西風黃葉無人徑破廟山神
對古松之句謂穰穰入
市者不知世有此境

渡魯明江

混混無崖岸中流別魯明蕭條人不見澎湃水空縈自適
當年意誰期後世名翻憐陵谷事嗚咽聽江聲

過武勝關

驅馬雄關上中原獨俯臨靈山龍窟遠淮水朗陵深一道
開南北千尋峙古今從來形勝地空復繫人心

滎澤渡河

驛路傷新鬼心驚古戰場爭名連廣武分地限滎陽落照
林煙白吹沙野渡黃可憐天上水空為客蒼茫

金華道中

一徑煙雲鳥道還，高盤如黛越中山。
不知過盡山多少，猶在嘒猿萬木間。

贈程穆倩

病後相逢邗水涯，歲寒雪壓客廬斜。
縱然淡盡人間事，又寫青山過酒家。

晚晴移詩匯卷四十一終

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一

地味系言匯卷四十一